

長甯縣志卷之二 人物志

國華天寶川岳騰光地以人重人以地芳

有鬱所多忠孝節義輔以文章有德有造躑躅周行

先型可表以勵俊良

志人物

明鄉賢

劉壽仁北水鄉人隆慶間以貢授黃梅訓導尋升衡府

教授辭還值縣治初建百凡區畫裨助爲多縣志皆

出其手爲人剛介不苟徇俗鄉間推重之

郡志

邱上峯曰考安遠志劉壽仁第列歲貢未及司訓又黃

志序稱邑人致仕教授而并志并不及豈分建之後



始仕黃梅以其屬長人故安志不重載而長志或遺漏歟按郡志之載鄉賢有二一爲鄉賢之目則載文行兼優之人不盡入祠一爲祀宇之目則爲春秋胙饗之人不重立傳各有攸屬如劉壽仁之郡志列賢良長邑鄉賢祠之未入祠查各邑類此者不可枚舉非漏也

國朝文儒

曹世治

字汝翼

歲貢生幼穎敏力學工文試屢冠軍每爲當事器重兼負智畧子布之亂設策誘殲世治被傷幾斃有定變功并志之役其載筆居多著有魯堂

文集尚書釋義

胡大鵬

字搏萬

思貢七歲能文童年補諸生試輒冠軍就教者雲集其授徒以涵養器識居先著有養氣十

則論文易簡錄

吳之章

字松若號槎叟

諸生工詩古文詞旁及帖括補博士弟子員後高尚其志名重四方學者宗之所著有泛槎集數卷兼善書畫人共珍之

黃邦光

字孔授號醉白

拔貢選樂平教諭邑人士送文就正一時文風丕振連掇高魁其爲文根柢經籍博大昌明歸官日年七十餘力學不倦啟迪後進著有

腹奎集五卷淬精集三卷卒年八十六生徒私謚曰文醇先生

凌冠才 字鎮青 康熙丁酉科副榜邑之登科自其始博

洽能文邑令蔡延其在石谿書院主講啟迪後學多所造就著有文集八卷行於世

謝兆亨 字麟度 歲貢生工制藝風味迥不猶人獨出精

思偉論教學多所成就副舉謝位思謝濤皆其門下著有文集未行

鄭際瀛 字凌洲 工制藝課士勤督從學常五六十人館

舍難容每試必有數人獲雋老而猶勤所作文集盈

篋皆門下珍藏

凌家棟 字蕙田 廩生博洽能文試輒冠軍佻達不羈為

文援筆立就屢為學使賞識試卷刊刻族中士類皆其所造就著有文集未梓而沒

凌人鳳字白卿鄉舉考授國子監學正善古今體詩大學士法式善深賞之中歲殂謝人皆惋惜

按此外有劉蘇字蜀人謝文佺字四兼俱有文名賴開

元字儀侯王世開字 俱有詩名俟後考

劉憲熙 字穆士 道光九年進士官庶常以散館賦官限

韻惟字偶書為維改知縣卒於耒陽任生平才識博

長甯縣志 卷之二 府志
達爲官有循聲

武畧

明

劉載永邑人正德末年廣寇葉廷芳等盤據篁鄉勞田
丹竹樓三堡之地劉氏一姓被其慘禍永時年十三
奉母避難志懷報仇至萬曆初年白於郡守運籌設
策誘散其黨一鼓平之遂建縣治賜七品散官附祀
報功祠 郡志

國朝

范洵 字宜一 康熙甲寅三藩叛逆寇盜蜂起洵散財

倡眾身當賊鋒大小十餘戰寇不敢逼邑令余龍翔

長官縣志 卷之二
上其功授守備丁巳年邑有叛民黎繁祉布散偽劄
洵察知乃密令族弟

范崇約僞存領劄果賺得實據洵以劄呈官同官兵黑

夜擒殺之邑賴安全

郡志

吳孔興

字雲從

素嫻兵畧三藩叛白中丞色純延之幕

府乙卯春隨澄海鎮將毛鳳翔招撫萬安諸寇孔興
率數騎達賊營諭以順逆僞參將鍾子龍等率眾五
千降功未上而色純卒邑中有額外賦役孔興籲於
于制府成龍勒石垂禁

王今賴之 郡志

曹世瓊善射饒智畧僞將卑嚴自明據南安造設子母

鳥鎗一發數砲連响我軍甚難進取世瓊以絮被裹
身先與數人櫻其鋒賊炮盡發倉皇不能再整世瓊
大呼我軍砍營而入斬數萬人首級焚其巢穴一十
一處時叙功當以世瓊第一稍不稱大將軍意授杭
州副將後推陞浙東總鎮未至任而卒

黃天棟身體魁梧力兼數人僞將朱明盤踞崖石寨天
棟夜率壯士緣崖刦其營先殺賊邏者運薪草於寨
門火之賊見火光燭天不敢近拔寨出走天棟率兵
躡後斬首級無算朱明計窮納款天棟以議叙歷官
廣東水司營副總兵

曹成章趨勇過人好廩戰當三藩之變吉南贛諸郡並
爲寇巢白鵝楓山庫鎮等役皆成章先登時韓大任
據吉安成章累敗之追至黃塘巖諸境大任負山依
水堅壁不動有老我師意成章偵其險要夜約銃手
二十餘人泅而過從後殺入賊陣睡中起趨前迎敵
成章卽以賊營大炮連發喪其膽賊疑大兵躡後潰
亂不能成戰隨用賊所刊木滾壓之乘勝追殺至詰
旦四體刀痕箭瘢如刻劃捉刀五指俱膏黏不能運
動諸賊由是悉平官陞廣東提督中軍參將蒞任八
載授碣石衛總兵

陳學禮形短小胆畧過於身時余何郭范諸賊由桂陽
取我文英分據諸險爲犄角我軍未知虛實學禮扮
爲菜傭往巢賊以菜傭易之任其往來歸謂主帥曰
四賊皆嬰兒子可擒也賊營前後可設伏兵吾從中
領兵而入可一鼓平之是夜漏下三更學禮先捫賊
營預殺賊之率更者燒炮震谷賊不知所出驚竄駭
逸被我軍殺戮殆盡學禮以議叙仕至都僉

吳之章曰長邑壤接閩粵距郡三百餘里向者崇山密
箐民居寥落故葉楷得以夜郎自大建縣後生齒日
增深山窮谷皆成村落邑之鄉勇素號強勁司牧者

盡心訓練廂堡之間守望相助雖有異省不逞之徒
縱其豕突不可得矣葉楷之滅是其明驗丙辰之變
鄴鄔以無備而被殲王子之捷印捕督鄉勇皆知地
利之人生長於斯出入遠近而奏凱鄉勇所關良非
細故况地利者用兵之先務久熟其地進戰退守不
待嚮導而了然於心當事者給之以資糧推之以赤
心示之以方畧干城之寄眾志之城於是乎在雍正
以來四海甯謐雖杞園萑苻亦漸文教而余邑八哨
之名亦除而鄉勇急公赴敵捍衛城邑之功不可忘

明義勇

賴思明尹明遂嚴順民溫時選劉壽儒駱寶始俱爲安
遠黃鄉堡人萬曆三年葉楷之役思明等首發其奸
旋從征勦旣平設長甯縣治江中丞一麟褒其功並
授把總 郡志

國朝

范 勲順治十六年奸民曹子布作亂勲出死力搏戰
刺殺賊魁又有余國祥范魏卿韓務輝朱心雲劉鴻
訓劉鴻珏范潛等同心誅惡賊黨遂殲

潘吉袁三鵬鍾捷生康熙十一年粵寇周海元潛入寒

地山吉夜襲巢賊遁去至牛門山袁三鵬等斬賊奪
旗救回難婦同時有潘祥劉君聖劉宏如潘朝奏劉
玉德傅振廷徐應生謝應瑞尹可儀李應婁劉培生
等皆於寒地山堵禦粵寇

謝揚仁潘衍尹國臣何其志凌開華郭寅生謝蓮生汪
兆禎賴上鉉楊盛任謝宰元鍾德輝劉士楷劉上師
邱天德黃如章黃國玉袁亮生凌開史等康熙十一
年隨印捕巡緝勤勞 以上俱出井志

朱家垣張世祥廖宗旺順治四年初入版圖城以外猶
多負固知縣錢奇嗣申請虔院委用營官雖非載在
經制實屬血戰全城厥功例得而書之

國朝忠節

范魏卿劉鴻珏順治己亥奸民曹子布誘五子石賊爲
亂劫官敎印魏卿鴻珏率鄉勇入城血戰死邑令朱
龍飛嘉其忠勇附祀報功祠

郡志

余國祥邑人子布之亂與范魏卿同時戰死

舊志

凌日章邑諸生丙辰粵寇馬劉沈攻城岡日章率鄉勇
禦之賊大至掩殺奮勇格鬥沒於陣

郡志

羅肇楨邑諸生素敦大義奸民子布糾眾倡亂責以叛
逆竟遭殺戮事聞於上以大節可風匾額旌之

凌一綜字闕士郡庠生鄒鄒人明末贛撫萬元吉召募
各縣義勇三百名准給劄付把總官一員一綜招勇
三百名赴贛守城順治三年五月 大兵至戰於梅
林一綜死節 從凌家族譜增入

藍 珩由武生在贛標左營歷援把總咸豐五年九月
奉派在吉隨周臬司防勦六年正月二十五日被匪
陷城力竭陣亡子浩然廕雲騎尉

鄭昌貴由武生在贛標左哨外委咸豐五年九月隨周
臬司吉安防堵六年正月被賊陷城力戰身亡子大
昆廕雲騎尉

胡蓉峯三標人諸生素仗義爲鄉閭所欽服咸豐六年土匪滋擾蓉峯率數百人馳至解圍以功保訓導八年九年髮逆入境復率團防剿與士卒同甘苦屢戰皆捷十年逆竄安遠蓉峯團勇追至絲茅坪被戕死鄉團之陣亡者八十餘人子名波廕雲騎尉 府志

陳南鳳卽世榮監生成豐八年賊擾青溪南鳳合家二十六人同焚死 府志

黃光標謝文富俱三標人光標屢次擊賊由武生保把總文富於咸豐十年剿賊出力論功未報九月十二日同在絲茅坪死難光標子宣猷廕雲騎尉 府志

劉德菁衛千總職咸豐十年本邑南橋團勇防堵十月被賊竄境力戰身亡孫世元廕雲騎尉

劉宗梯從九劉德懿諸生南橋人咸豐十年禦賊死劉宗榮從九負母避賊遇害俱廕恩騎尉 府志

陳立攀諸生陳安邦謝日恒謝兆峯謝其煥皆從九南橋人禦賊死俱廕恩騎尉劉炳勳生員劉己貴團練長俱被賊戕 府志

曹安清福建縣丞分發漳州候委同治三年正月差委漳浦縣髮逆突至力戰身亡子貞能襲雲騎尉

咸豐四年七月二十六雙橋成壽塘陣亡鄉勇九名

陳竣峯 李永相 羅灶生 羅貴祥 羅永昭
羅木秀 謝斗保 劉火公 鄭松繼

七月二十九在石峽埧陣亡鄉勇十三名

李日祖 李日洪 李成麟 李永傳 李永金
李培四 劉福海 黃卧二 曾承貴 曾承信
曾壽文 曾承緒 曾甯承

咸豐六年在縣境各處打仗陣亡共一百八十八名

羅家兆 謝南箕 胡石長 胡矮伯 鍾章清
何松仁 曾初麟 曾官壽 曾國良 曾勉球
曾玉林 曾敬滔 曾福昌 曾德慶 曾其光

楊成祿 林光斗 汪長茂 林光霄 梅佳禮

梅慶全 梅占魁 梅光帝 華克金 黃瑞古

劉金淑 范東斗 賴福榮 藍芳壽 王德招

藍文采 周光全 曾寶峯 劉細妹 尹文郁

陳三郎 周明奇 何顯明 李東旭 王太元

羅成勳 劉志昌 潘福啟 劉亦煌 邱勤書

邱宗幹 凌惻貴 邱用泰 藍章古 韓富郎

鄭清輝 廖桂標 廖日熙 廖瑞名 廖老石

廖春發 廖瑞林 廖光賴 廖桂趙 王光標

王清輝 黃邦烈 張秉忠 謝洪賓 賴貴香

唐朝宗	劉福生	王紹芳	周有宗	温官光
廖正才	黃萬德	胡啟祿	謝之貞	何報元
胡金達	孫占元	王運喜	藍賢書	邱邦治
鄭祿豐	謝繼賢	繼曹賢清	謝成揚	曹文標
賴家庭	朱振龍	徐春喜	王德昭	劉人龍
劉玉輝	湯丁瑞	王榮昌	范成科	湯承祿
湯接學	湯安祿	湯昭昇	湯長科	劉貴發
曹雅書	朱偉文	朱玉魁	林考麟	曹熾昌
范周德	范明富	邱樹林	謝炳香	謝德成
溫登青	劉德官	范昆祥	邱登保	劉芸盛

劉振慶	劉蘭香	范善餘	謝壽慶	劉亦喜
謝相春	謝日昇	謝水長生	羅任郎	
劉毓慶	黃福興	劉盛蒼	黃成松	侯發榮
劉茂松	邱丁喜	黃海亮	黃運喜	劉昌福
黃大德	黃接福	黃錦發	何壬洪	謝斗保
邱林鳳	胡亮洪	邱祖德	潘福啟	藍章玉
藍庭樹	凌有順	羅玉昌	華三慶	黃玉瑞
張玉藏	徐四達	徐振發	徐李福	徐秉坤
徐錦舫	徐觀保	張振貴	陳偉四	賴步有
陳蓮芳	陳萼標	陳立豪	陳錦清	謝之

謝濟三	鄺鳳岐	鄺漢珍	趙桂榮	鍾挺崇
彭運榮	楊慶郎	梅丙昌	邱成祥	趙紫封
羅南星	李習郎	謝杰	謝煊郎	陳德郎
李相郎	羅學高	羅星貴	羅高興	羅傑羣
謝培榮	嚴永廷	嚴登育	嚴北海	

咸豐七年正月初二在信豐古坡陣亡鄉勇十三名

陳貴春	王正啟	鍾慶昌	雷昌祖	華有芳
張義揚	謝寶田	謝必明	李元貴	邱直漢
孫登運	孫國富	陳駒		

三四兩月在縣境各處打仗陣亡鄉勇二十名

謝從正	胡必洪	賴紹文	華明君	華昌明
雷世松	謝立發	胡文彬	謝章達	胡標漢
呂文執	邱有漢	黃美仁	劉章福	黃接宗
唐生波	鍾賤榮	邱必壽	周木春	劉光照

咸豐八年三月二十八在廣東八尺陣亡鄉勇七名

駱七蘭保	李錫恩	凌章彩	溫文芳
張家永	黃邦基	羅祿壽	

四月二十五在廣東空頭陣亡鄉勇十名

黃春發	鍾生邦	黃發仁	王在伍	邱福光
周顯福	胡福清	謝榮霖	黃官生	胡立明

九月隨藍都司在會昌來龍塘陣亡鄉勇十三名

張鳴鳳 陳仲芳 李文炳 周明元 周昌煥

曾永隆 盧丙祿 藍相孚 汪剛寶 蔡世揚

周熊瑞 歐陽宏 張夢齡

十月初五在伯公垵陣亡鄉勇三十四名

賴老四 謝旭清 謝維富 謝家振 謝福盛

謝神賜 謝長才 謝金科 謝耀輝 胡必達

廖昌恒 廖昌懷 張家明 胡瑞祥 謝雲章

周德祖 張明福 林体泉 林恒謙 林龍發

林作連 王俊杰 黃昆騰 謝上章 賴光照

周夢榮 黃運真 周光烈 黃吉登 周生慶

林茂春 謝才元 曹鳳美 曾得光

十月初六在三標分水垵陣亡鄉勇二十二名

華克紅 王生相 王章藹 鍾賤榮 胡名聲

王運聲 劉世廷 劉福壽 胡清祥 胡堂慶

胡永明 雷二妹 胡國登 呂庚生 邱福成

鍾海清 何昌洪 謝登龍 胡金豐 鍾名良

黃名彪 何克仁

十月二十二在青溪陣亡鄉勇十六名

何德昌 何秀芳 何昌熾 劉祖受 胡長生

謝得清 陳克明 胡道興 何典芳 胡國發
何受昌 胡家旺 謝傳文 劉祖保 謝旺明
陳有順

十一月初四在上濂水口陣亡鄉勇十二名

謝上慶 謝秀成 胡官量 胡清善 陳善慶
邱官音 胡郁文 周老四 溫新發 龔從盛
謝志興 胡名麟

十一月十二救援安遠在上濂陣亡鄉勇十五名

潘東斗 黃官鳳 袁維鳳 朱振慶 鄒德聞
鄒得開 鍾邦俊 王綵眉 王盧林 曾老八

曹烏龍 胡五神 謝文杰 孫有全 楊炳烈

十一月十三在安遠東風岵陣亡鄉勇三十二名

徐恢復 徐天錫 賴仕高 甯老四 徐天賜

徐大鵬 胡桂香 黃運廣 何廷佑 何安良

王世臣 劉全德 胡名亮 胡長江 胡德名

胡相慶 凌來香 方有光 胡飛廷 劉福全

胡長生 胡喜祿 范光盛 華春元 劉安光

劉大元 嚴光泰 何報喜 胡定邦 胡啟崇

胡鴻德 張建邦

十一月十七救援安遠在馬甲坪陣亡鄉勇十三名

周有成 唐華元 胡仁廣 黃錦清 謝上發

胡松祿 謝家政 周有發 張灶慶 鍾生郎

胡興邦 凌全祿 羅玉昌

十一月十九在青溪墟陣亡鄉勇十名

何報善 何明福 張俊生 胡奪標 謝逢喜

張振玉 胡金利 邱傳林 邱科文 唐開龍

咸豐九年正月初四在石背陣亡鄉勇十二名

邱登喜 湯名輝 何盛春 鍾學球 王元貞

胡岐林 華承發 邱祖德 潘文峯 邱靈鳳

黃吉昌 鍾奕衍

三月初七在篁鄉菖蒲塘陣亡鄉勇十二名

謝佑能 黃國揚 王老四 陳栢春 劉光

劉大 劉文升 謝章文 劉廷堃 劉德

鄭括八 陳發儒

十月初二日在篁鄉陣亡鄉勇二名

江栢堯 張運福

咸豐十年六月在丹竹樓八月在牛背騎陣亡七名

梅慶尖 賴文才 廖壬福 賴有廷 鄭大彰

鄭昌爐 梅俊章

九月初二在甲次水陣亡鄉勇五名

王受林 劉昌福 王得洪 曾士鳳 華振慶
九月初五日在熊嶺嶺陣亡鄉勇七名

尹揚清 何有元 何錦祿 曹永祝 溫運發
楊元何 胡上清

九月初八初九在攔泥垸陣亡鄉勇六名

廖壽福 張發祥 謝有能 唐開龍 邱傳林
謝文發

九月初十在上坪馬甲坪陣亡鄉勇七名

羅瓚章 華盛林 華隆發 賴德春 邱丁能
邱壬富 龔丙富

九月十二救援安遠在絲茅坪陣亡鄉勇八十九名

陳慶善 陳爲富 陳共清 胡順有 謝貴賴
胡林秀 黃志仁 何成蘭 何隆貴 胡德榮

謝啟通 王名玉 周生慶 王立成 張名章

謝名才 王成林 謝順龍 謝德貴 何名相

邱科漢 胡松林 胡保文 胡官壽 溫新盛

黃科萬 黃賤盛 謝萬瑞 黃餘慶 凌章平

謝安石 賴德春 唐水生 邱必壽 劉芳

王生發 周生榮 王受福 唐光德 龔從盛

王有壽 張振玉 黃汝霖 曾老三 曹盛龍

胡名富	鍾响亮	胡清喜	賴豐魁	廖錦璜
周龍文	謝紹懷	林光標	謝家興	賴洪祥
邱榮輝	何德緒	唐生海	劉萬成	鍾紹盛
周道生	王老朝	胡進開	華隆發	華盛林
胡毓昌	潘英君	王開雲	孫登祖	孫洪祖
華善發	胡地祖	胡名揚	鍾榮發	黃傳東
謝旺廷	鍾章發	王鳳麟	鍾榮斌	周石妹
劉祖佑	鍾慶昌	孫國榮	駱接昌	韓祥
雷昌喜	王國成	黃啟盛	劉成光	溫新壽

九月十二在際子腦陣亡鄉勇十名

胡鵬海	鍾朝福	謝家駒	雷生發	何洪昌
周顯榮	龔祖慶	黃蘭香	尹楊林	周選福

十月初十在雙橋陣亡鄉勇二十三名

監陳有耀 監陳元焯 監鄭大璠 武陳德揚 從陳元椿

鄉謝其明 鄭昌輝 鄭大龍 鄭昌金 陳杰宗

陳松宗 陳元讓 陳立輝 陳邦杰 陳善傳

陳德常 陳祿宗 陳綿宗 陳樹保 謝日風

謝榮福 謝水生 謝清龍

十月十一在車頭大禾坪陣亡鄉勇十二名

鄭禾子 鄭漢武 鄭文才 鄭細三 鄭喬松

鄺五枯 鄺慶榮 鄺慶銓 鄺光明 盧石崇
盧慶郎 盧德龍

十月十四在石垵陣亡鄉勇十三名

潘俊三 潘大只二 潘啟海 潘啟成 潘文舒

潘盛華 潘文奇 潘泰昌 潘啟清 潘啟廷五

潘接芳 潘文忠 潘文錦

十月十四在平遠差干鄉陣亡鄉勇二名

潘文備 潘明良

十月十五在筠嶺黃沙嶺陣亡鄉勇三名

張必倫 江福崇 江元星

十月十五隨藍都司在烏石下陣亡鄉勇八名

朱景秀 邱成翰 韓昌慶 王新賴 藍家玉

廖封爵 藍章貴 張藻五

十月二十日在高塘垵陣亡鄉勇十二名

邱登發 胡五福 謝文有 胡林秀 張明盛

胡海成 謝成相 胡老石 邱登壽 溫邦鎮

胡安石 曹光典

十一月初十在車頭陣亡鄉勇六名

藍廖天球 黃開啟四 趙任龍 趙任義

趙瑞龍 劉德舉

十一月初十在留車族坑車頭陣亡鄉勇八十六名

監陳立麟 監劉錦昭 武趙 誕 劉菊新

劉聯淑 趙云郎 趙壬慶 趙大元 梅佳達

趙任郎 趙石郎 趙漢松 趙門慶 趙受星

趙德科 趙大光 趙信孚 趙瀛海 趙受元

趙和春 趙瑞昌 趙任餘 趙大山 趙瑞龍

趙源龍 趙官郎 趙在田 趙新郎 趙大晉

彭運淑 彭運德 彭其問 陳德萬 劉德寶

曾文星 梅丙倡 謝發軔 謝辛郎 謝茂松

謝富德 謝信章 鄭金林 張榮標 林明貴

趙景亮 趙大受 趙大衣 趙大奇 趙能佈

趙大熙 趙大盛 趙丁科 趙振奎 趙大發

趙大華 趙蘭香 趙杞榮 趙帶起 趙能用

趙能慶 趙哦五 鍾哲貴 劉崇慶 鄭辰龍

鄭榮煥 鄭師舞 鄭四風 鄭喬松 鄭啟興

鄭福昌 鄭啟進 鄭文貴 鄭云才 鄭翊湘

鄭賤鳳 鄭漢福 鄭鼎梅 鄭開明 鄭翊標

鄭漢波 鄭生槐 鄭玉碧 鄭翊和 林明書

趙振魁 鄭同風

十一月十一在車頭陣亡鄉勇六名

張明佩 張明傳 張振倫 張盛龍 陳元龍

陳九思

十一月二十二在文筆嶺陣亡鄉勇五名

謝必佑 謝佑發 唐辰朝 邱丁貴 邱壬龍

十一月二十四在梅壩陣亡鄉勇十四名

張駿榮 張能成 謝有發 謝邦善 謝秉煌

雷有聲 周松發 王維駒 謝連登 謝洪龍

謝家蘭 袁維鳳 華有光 謝生德

十二月初八在塘背嶺下並上杭圳上陣亡鄉勇十名

潘明喜 潘興德 潘興丁 潘鳳起 潘文法

潘文經 潘明月 潘興榮 潘文燮 潘如山

咸豐十一年三月十五六七八九等日在篁鄉八富項

山南橋等處陣亡鄉勇二十二名

潘文初 謝日亮 謝其明 謝福石 謝水生

謝其全 謝日蘇 謝日洪 潘亦潮 潘傲萊

潘明豪 潘如松 潘紹聞 潘文義 潘南榮

陳慶善 陳德富 陳貴春 陳其清 陳貴榮

潘運俊 武謝其濬

同治三年七月二十九在南橋陣亡鄉勇五名

鄺雲筆 鄺雲龍 曾邦松 曾承文 曾漢清

八月二十八在陸坑白岌頂陣亡鄉勇十五名

盧芹香 盧路廷 凌邦盛 凌邦發 凌章福

凌章舉 凌章學 黃光霞 黃慶揚 劉正傳

李觀華 羅魁 李植高 李直麟 李邊四

九月初一在滋溪陣亡鄉勇五名

林盛貴 林文賢 謝振春 謝復昌 謝碩標

九月初二三等日在八付堡陣亡鄉勇三十七名

鍾生學 鍾挺彬 鍾四閏 鍾生海 鍾挺松

鍾挺興 鍾金壽 鍾挺俊 鍾宜義 鍾鳳龍

鍾縉子 鍾生高 鍾朝排三 鍾挺清 鍾縉毛

鍾挺運 鍾老二 鍾生有 鍾觀音壽

劉茂六 潘大發 謝接秀 謝海龍 謝兆勇

王月兆 潘國良 潘細三 潘岳宗 潘文英

潘得興 潘文武 潘耀廷 尹鳳吉 尹興慶

尹興位 潘岳池 謝石崇

九月初三在粽子坳陣亡鄉勇三十五名

方在芹 劉己貴 方步衢 方在志 方錦富

方希堯 方生昌 方生貴 方盛嶽 方發生

羅欽明 黎松齡 李良傑 彭文同 彭必達

劉接發 劉生科 陳富成 陳福成 陳永芳

陳日宗 陳發壽 陳益連 陳順福 徐聲文

徐石長生 邱晏郎 劉華龍 徐五滿 潘元萬

潘觀發 潘其蘭 劉老八 劉賤富 江大華

九月初四在分水壩陣亡鄉勇三名

潘射八 姚興慶 潘拔英

九月初四在門嶺大坡角陣亡鄉勇八名

鍾曹敦倫 何昌鳳 凌祿喜 凌章成 邱永魁

鍾志才 劉辛科 劉昌發

咸豐十年至同治三年殉難民人共十五名

古燈光 曹安能 曹貞姑 陳懷瑜 劉貴榮

劉辛發 李桂香 劉宗耀 劉北亨 溫文武

溫光三 溫光海 溫大勳 溫富盛 溫瑚璉

明孝友

林奇生南水鄉人父大綸任雲南府經歷有厄疾奇生
禱天不懈父卒萬里扶襯廬墓三載哀毀骨立又竭
力事母及卒如前巡按御史沈嘉獎

郡志

劉廷璇父早喪母范氏遺腹生璇性至孝母卒廬墓三
年縣令梁瑜教諭高仕偃有詩表之

郡志

劉萬斌父早喪事母李氏盡孝母沒廬墓三年

郡志

劉載彩母成癩瘕疾需食肉家貧不能致刲股以進母
疾頓愈族黨具聞縣府屢奉旌獎春秋二祀咸致胙
名孝子胙

郡志

國朝

鄺登字及三邑諸生事母至孝冠婚喪祭一遵古禮母

沒廬墓三年 郡志

謝錫易字安序父時躍家資巨萬三藩遺孽蹂躪村落

擄錫易父為奇貨錫易方弱冠痛父遭擄赴賊營願

以身代賊放錫易父復以錫易居奇束縛之與行凍

餓箠楚百折不回賊感其孝釋之歸事父終身不懈

父沒哀毀骨立年六十餘而沒雍正八年奉

詔建坊褒獎之

謝孔書字垂萬弟孔鐸字覺萬俱大學生事親以孝聞

母病躬侍湯藥歷七載如一日父母繼亡葬祭循禮

哀毀骨立兄弟年八十餘友愛彌篤不忍析箸鄉里

咸欽其孝皆舉鄉飲

諸生鄺受城字孟玉父早沒事母曹氏至孝母死廬墓

三年服闋族人勸歸憑墓哀哭忽風大作廬茅盡捲

咸以為孝感

諸生劉益彬字白采性醇謹動以古道自繩嫡母梅氏

翳其雙目益彬日夕舐之年久復愈友于兩弟怡怡

中存欵直外著鄉人多欽式之

諸生張世祺字申吉父早沒事母梅氏以孝聞憲疊旌

嘉又友愛其兄世禧率鄉勇禦寇前令余稱才能幹
濟素以教學顯姪指颺輩有文名

曾應運字曰勲天性純篤題其室曰養志堂母病須得
山藥醫者曰此藥產深山有大蟒盤其上人不可近
應運曰無恐遂入山於邃密叢中求之見一猛虎踞
其上應運乃祝曰吾爲母病來此採藥與爾無仇豈
欲傷我哉若果得靈藥以愈母病卽食汝大猪一口
虎垂頭而去得藥歸醫母病痊買猪於外祝土神三
日虎不至後母沒哀毀逾常事老父就養無方享高
年以無疾終距家二十里爲營窠交蓋茅屋一椽廬

墓三年一夕屋燬衣衾無恙乃痛哭而歸族戚合呈
請旌公跪求道旁乃止公沒乃請旌乾隆四十年八奉

詔建坊崇祀邑孝子祠

參舊志從會氏族譜載入

劉漢英孝行性成年幼喪父母欲殉漢英哭求母前歿
撫孤成立和顏愉色竭力奉事得母歡沒身不怠

王金菊明經王燕賓之仲子也天性純篤幼隨父讀卽
喜聽事父母孝弟之言及長已授室母氏沾瘋疾
寢卧在床金菊隨母卧房左右不離飲食親奉起居
負以行冬則煖衾夏則扇蓆溺器親滌不入妻房凡
六載母沒哀毀骨立事父先意承志得親順悅沒身

長留集卷之二 三十一
不衰邑人凌人鳳爲立孝子傳

陳烈揚字春發監生天性純篤年十一失怙事寡母劉氏皆能先意承志甚得母歡友愛二弟和睦一堂母沒日必詣墓焚香哭奠服闋乃已沒八十三歲猶孺慕不衰

曾洪良監生承誥仲子也生一歲承誥在堂叔廣西平樂縣知縣任沒于塗藁厝於野洪良長十七歲隻身獨往粵西尋獲父骸負歸葬於先人兆域人皆稱孝曾撰有詩紀其事詩曰三千里路負骸歸九折魂驚海外飛瘴雨一肩和淚濕蠻烟三匝帶塵微問天莫

洩天涯恨砍地難從地下依望斷鄉關何日到雷將寸草報春暉從曾氏族譜採入

潘奕標字春秀號松泉從九品分發甘肅官烏魯木齊有父迎養歿於官署松泉自口外扶父襯旋里清風兩袖探宦囊之已虛零雨滿途撫旅襯以欲絕衝冒霧露飛塞外之烟塵歷閱星霜陟塗次之屺岵昔也捧檄迎養今則枕苫言旋萬狀艱難百般苦楚足興仁孝之感堪作桑梓之型邑人曾撰作詩以紀松泉

今陞甘肅阜康縣知縣

詩曰

萬二千途扶檄回悲風落日杜鵑哀郵亭

尚揮萊公竹驛路頻傳陸凱梅邊塞烟雲戎馬足沙場征戍骨骸堆一生力死憑忠孝漫說人間有將才

趙受煦字日隆生聰慧篤孝及年十五兄受炳諸生遷居贛城迎母劉氏就養日隆隨往自筠嶺買棹抵建春門外日隆扶母上岸時江水泛漲舟搖母懼落水中日隆投河救母甫負上岸泥滑失足落夾船中水泐舟攏人不得上沉於舟底兩日受炳收葬尚未漂流面如生人稱孝感立嗣繼爲後

鄺文彬字桂林生父監生念兄全筆無後過繼兄嫂凌氏文彬甫四歲撫育長成母凌氏患目疾舐凡三年目復明從鍾箬樓先生學潛心攻苦能文章早歲殂

邑增生劉朝拔號萃堂孝友性成母病十餘年定省如常歷久不懈敬長兄友諸弟忠厚和平端嚴厚重言笑不苟從無罵詈式化鄉人無爭鬪倡捐義倉文會年七十七而終課子丕誠歲貢生

潘文健字見修號法乾邑增生善體親心母盧氏沾病多半歷侍湯藥不諉家人居喪哀毀如禮雖服闋每逢忌日仍素服虔祭學師以敦行舉優

潘文濟監生溢泮仲子性孝順勤耕力作以養雙親父沒悉守遺命哀哭殆甚負土成墳母盧氏患病五載百計調治朝夕不離左右及卒哀毀如前鄉黨皆以

孝

潘明楷項山監生文辰之子邑庠明模之兄幼通經立志大初試遊庠旋列一等士以大器目之惜以增生終然秉性孝友庭無間言處世和平鄉人每稱其敦倫及沒隣里流涕門人私謚優謙妻鍾氏堅貞自矢族戚憫其謹孝悉以授榮繼嗣

范春煦例貢生善事父母孝順敦篤伊父光德好善樂施忠厚和平

長甯縣志武畧

藍 璫號韞山鄆鄆堡人父武舉藍鳳鳴官贛標千總璫

幼時與弟玫隨父任投贛標中軍由武生入伍卽考拔龍南汛把總道光十八年考拔甯都營千總二十一年正月隨贛南鎮總兵長椿帶兵往粵征曠夷二月二十四連日在鳳凰岡打仗璫放礮斃夷逆多名功參贊大臣楊芳保奏陞五品頂戴賞藍翎道光二十七年丁未六月本邑逆匪謝嗣封作亂稱平光王璫隨遊擊穆克登布拏獲首從各犯百餘奏辦遷江西撫標左營守備咸豐二年隨撫軍張芾赴九江防堵三年隨欽差大臣

向榮提兵赴江甯勦賊旋調回省城防堵六月與賊打仗礮擊撫軍張芾瑤以身翼之傷瑤左目芾獲免奏換賞花翎是年丁母艱鎮巡道周玉衡保畱署羊角營都閩四年七月粵匪謝其祥在黃鄉神岡墟結會聚黨二千餘人四出擄掠屯聚長舉欲撲城中衡府遮克敦布提贛兵勇到及橫岡營都司馬起麟等擊敗散逸殺斃多匪鄉勇擒送數百伏誅謝其祥爲入付堡鄉勇彭運銘擒送正法餘匪目陸績蕩平

長甯縣志武畧志

藍玖瑤弟幼隨父贛鎮千總營署投贛標中軍馬戰兵考拔把總道光二十一年正月帶兵往廣東征曠夷二月初八到營是月二十四連日在鳳凰岡打仗砲斃夷匪多名箭傷右手傷列二等叅贊大臣楊賞換五品頂戴道光二十八年正月兵部帶領引見奉旨以守備題補三十年十月帶兵到龍南防堵粵東英清流匪出力蒙保奏成豐三年五月帶兵到上猶勦辦土匪擊斃賊匪五百餘人擒首犯劉昌通等二十餘名奉

上諭以守備儘先補用是年六月帶兵到省防堵勦辦
打仗又因吉安泰和土匪滋事帶兵赴吉七月二十
九慶戰打死賊匪百餘名生擒十七名賊竄泰和追
逐親點大砲斃賊二十餘名克復縣城圍燒賊匪數
百名擒斬三百餘名打仗出力賞戴藍翎咸豐四年
四月帶兵赴省防勦又因義甯州逆賊竄擾迭次打
仗出力奉

旨以都司陞用咸豐五年七月又在義甯州迭次打仗
克復州城斃賊數百餘生擒十餘保列以都司儘先
補用

長甯縣志武畧

何世球號晉蕃監生縣憲仲捐兵需四百金蒙 撫憲

覺羅耆獎敘州同加五品頂戴咸豐六年防剿出力

蒙 撫憲覺羅耆轉保着以千總拔補任上猶縣營

前把總札委中營守備告假回籍奉縣憲稟留在籍

總理團局副理 撫憲李請加守備銜十年九月督

勇往大陽關及上坪 澄崗分水坳等處要隘堵禦

復隨同長都戎救援安遠馳解賊圍所帶之勇俱晉

蕃自備口糧費用五百餘金賞戴藍翎以守備補用

加捐都司銜因雙親年老告養在家妻羅氏生十一

子家模布理問捐助兵需請獎敘從九家傑九品監
生家仁餘俱幼現年四十九

藍翎補用守備謝見文咸豐六年安邑逆匪撲城帶勇
救縣功給八品十年髮逆滋擾散財率勇匪路征勦
獎叙六品儘先補用千總嗣後屢次出力同治丙寅
賞戴藍翎獎給五品以守備補用現年七十二四世
一堂孫曾衆多長子名標五子名儒俱監生

長甯縣志卷之二 人物志

行誼

諸生廖傑字異才慷慨樂施康熙年間歲游飢捐米數百
石煮粥拯救丙辰丁巳海氛蹂躪居民逃竄極力捍禦
鄉村賴以安堵

諸生曾學鑄字受治心存利濟族係軍籍慮族之貧者捐
派無出捐田千把以贍嘗曰吾雖爲族衆實期上不負
漕公也每遇歲飢必賑他如修橋路減租焚券歲有其
事

諸生胡大鯨字友龍生平孝友仗義遇歲荒出粟以賑見

人危急扶卹不懈事有關於邑之利害者挺然獨任凡當孔道橋渡茶亭雖在外邑亦常捐田以贍計千餘把子上鳳上鴻上鵬好施相繼有父風

諸生凌曰本字立先篤孝友樂施濟獨捐金造橋丙午癸

未壬申連年捐粟賑飢義聲素著

五世一堂壽九登版十二歲子孫俱仕

諸生羅煥著慷慨好施康熙二十四年飢捐米一百二十石煮粥以濟前巡憲以惠顧桑梓匾旌之

謝永旭性慈和好施予康熙丁丑歲飢煮粥賑濟前令旌之

監生曹引晃字肇宇明經曹植章長子幼隨父讀聞父歎

邑距省會遠僻邑人士鄉試路費維艱將捐田贍之資志而沒乾隆戊辰引晃承父志獨捐田一千把贍文武鄉試路費邑中僅見之義舉也

諸生鄭佳詔字丹書好施與設塾以惠幼學施粥以賑飢民置田數百贍潭頭渡每當孔道佈路架橋毫無德色諸生劉芳濶好善樂施康熙丁丑歲飢捐米煮粥以食餓者活人甚衆

諸生凌光組字公榮幼失怙事母劉氏以孝聞好善樂施捐田以贍茶亭子元成啟位啟唐亦繼志好施

監生曾之佐字翼猷選扶風丞慷慨好施捐資造雷車橋

又贍田三百把雍正丙午穀貴飢者粥月餘接新乃止
活人甚衆子宗高繼父施與宗發宗魯應召應封俱登
顯仕應選登賢書人稱行義所致

監生曾宗高字彰榮性豪邁好施捐造畱車橋覆以瓦以
便行人又捐造義學一所以居邑中學者子應選丙辰
舉人大中丞俞旌以樂善不倦

曾宗欽宗明應標應豹應拔應會六人因宗高已建義學
缺膏火叔姪共捐田三百餘把以贍

諸生曾宗傳字習尼號貫萬博洽能文慷慨重義族係軍
籍常廛漕運無贍倡派公嘗贍漕造運有資老而好學

著有課兒草三百六十篇邑令余龍翔有序及贈答詩
草尤好施予救急拯飢傾囊不惜子二應堂有文名應
普食餼世紹家學

謝承紱承綬兄弟俱大學生個儻好義因義學乏膏火共
捐田一百餘把以贍

諸生曹引宿字旋北讀書力行敦孝友循禮好善欠不能
償卽焚券邑中義學乏膏火捐田四十把以贍

諸生羅文正字方徽弟文林字蒼軒監生兄弟式好事繼
母以孝聞撫孤姪成名有力全人名節夫婦之事

鍾揚字洪宇存心忠厚鄉里欽式勸人施舍年一百二歲

諸生何鳳來字毛伯禔躬端方接物謙巽不履公庭訓迪
子孫五世一堂邑人欽式舉鄉飲二次

監生胡士元字振起弟士夫字翮羽邑諸生宅衷仁厚兄
弟友愛睦族和鄰多施予

劉永儉字恭儒忠厚和易事繼母以孝聞更樂施舉鄉飲
劉啟位字方司候選縣丞宅心仁厚施藥救人乾隆戊辰
春穀貴告飢捐米百餘石以濟鄉鄰偕長子國棟赴選
千總抵京塗次亦多施予

諸生曹引鳳字舉程宅衷和厚好義踈財貸無償卽焚券
糶不苛值居城內不履公庭舉鄉飲子則學廩生起陸

起殿例貢孫大滋雲南文山縣典史

潘堯舉友愛和睦兄子洪梯早孤撫如己子婚配教讀梯
入泮旋歿撫其子如孫排難解紛修治橋路歲以爲常
諸生彭始年兄弟雍睦康熙丁丑歲飢其母鍾氏捐粟七
十石煮粥拯飢前縣朱旌匾記跋子孫蜚聲庠序

曹世璜字引貴博經史樂施予康熙丁丑飢捐粟拯貧前
縣旌表課五子明經食餼庠序著名乾隆戊辰其長孫
引晃捐鄉試路費人稱一門好善

諸生鄺開嵩字南偉弟開嶠字南景禔躬端方好善樂施
母百歲一堂五世白髮孝養如童時前縣汪郡司馬高

嘉獎兄弟友于卜葬同穴舉鄉飲

鄺承明字用錫生而過繼長行已端方於生父繼父俱能孝養待繼弟如同胞族黨推重前縣沈舉鄉飲

監生曾應拔乾隆二十三年捐二千金建鹽路橋又建茶亭於壙田村捐租贍之郡志以上舊志

謝承詠長甯諸生友愛好義兄泰早亡撫育遺孤如己子族里婚喪之無力者竭力周之嘗纂輯名人格言爲家訓

曹起潤長甯監生同弟起澗起湘乾隆十五年歲飢出穀照常平倉價減糶又建石橋捐資爲修理費以上二名查郡志載

登

曹斯翰字勲侯衛千總弟斯參字欽周主簿邑之公事多捐資首倡乾隆乙卯大飢升米二百四十餼孳載道昆季捐米煮粥活人甚多邑令宛郡守景給匾嘉獎

監生劉漢傳字堯祚早孤事母孝喜施予近居橋梁道路隨時修築人頌康莊年八十沒子若孫有成立

諸生曹學清字鑑川少有文名賦性耿介而躬持謙謹一事不苟年古稀士林多欽式之

監生劉卜捷字端穎好善樂施建橋一座捐租六石以贍次子監生宗瑩乾隆乙卯遵母命捐米百石煮粥賑飢監生曹俞彰字文周性質直隆師重道子孫成立孫安邦

食餼年七十八生元孫裔澣親見五代次年沒

監生鄭運昌字杏堂仗義好施乾隆庚子年大水江河漲溢隔河張姓有數十家忽被水淹號呼求救運昌急呼小艇許以重賞爭棹舟往救出數十人子上輝上攀俱監生上演州同亦好施濟有父風

曹愈陞字殿欽樸實忠厚每遇歲飢必出粟賑濟修橋路必題緣道光十九年修城捐錢百吊制憲牛以好善樂施匾額旌其門沒年八十九

監生曾一貴字翰通好善樂施凡邑中公事必捐資先倡他如修橋路施棺木動以千計子炳蔚慷慨重義有父

風鄉里推重之

監生曹愈標字元學好善樂施積而能散距城七里大路上築石橋一座費四百多金道光七年修文廟捐錢一千二百吊

州同劉兆莢字瓊蕃道光七年捐錢五百吊重修大成門其子宗濂分發四川經歷督工極爲堅緻

凌德規字卓模道光七年修文廟與羅允恭劉兆晏凌德官邱麟勸捐一萬二千金移建崇聖宮改造明倫堂進出銀錢一手經理絲毫不苟

曹愈昇字寅谷候選從九慷慨正直督建考棚勤慎節儉

工成日將盈餘買田租數百桶分贍書院膏火鄉會試路費老生歲科考花紅獎資尚義祠祭祀費道光十八年督修城工完固丁未仲夏逆匪鬧事以城足資保障賊不得擾民賴以安

徐家興字振麟例貢生好義急公道光七年修文廟捐錢百吊捐租八石爲書院膏火修先農壇樂助完工修城捐錢三百吊他如賑飢修橋路施舍不吝

陳烈揚字春發監生有貲財勸輸不吝修文廟捐錢二百吊捐書院膏火田租六石修城捐銀五百九十七兩邀

議叙

曹愈洪字仁度監生慷慨重義鳴光生員父子好善竭貲濟人不惜傾財其孫職員賢相復振先業

監生劉泰江字襟楚好善樂施通衢造橋修路道光甲午飢碾米減價族中貧者每日人買一升極貧者一日給半升不取值自清明至大暑止活人甚衆長子鳳杰邑諸生次奕梧職員三德邵州同繼父好施不怠

曹徽光字欽典廩貢候選訓導性豪邁好施捨邑修文昌閣出洋銀百員闢新北門用錢百三十吊郡城考棚火助修洋銀百員時府學周麟峯先生講學贛城徽光送子就學適汪孟棠太守修文成祠有外院頭門功未竟

徽光獨任其事費三百多金尅期告竣太守喜悅府試
拔其子士俊第一修濂溪書院捐洋銀百員本邑修城
捐銀五百一十兩功竣而沒撫憲給匾以旌

廩生曹衢通字奕榮性豪俠邑有先農廟傾圮已久道光
十三年署令段正邦勸輸倡修無一應者衢通乃貸出
百餘金為倡人多樂從卒蕺其工邑人曾撰有記

劉翰兼字力仁州同好善樂施博通經史工草書仿吳松
若先生字修城隍廟闢新北門捐錢一百五十吊修城
捐銀一千五百兩子志坊孫騰鑑均邀優叙

王成平好善樂施周急濟困於江廣孔道築橋一座時築
時壞時修歲費多金數十年如是人安利涉修城捐銀
二百八十兩邀議叙

監生曹愈涵字龍學性好善樂施予孝親友愛和睦族鄰
舉鄉飲修學捐錢一百吊修城捐銀一百五十兩其子
監生廷光繼父志樂善不倦

何廷勳端正誠懇好善樂施敦在孝友訓子義方妻劉氏
勤操家政內助稱賢廷勳年七十八後馳封儒林
郎劉氏年八十六後馳封六品夫人長子芳源入監年
九十二恩授修職郎次芳榮入監三芳秀子總封州同
林大鶯字鳴岡好善樂施修要路橋梁費常出數百金修
城捐銀數百兩其孫邀議叙年八十八考終

盧紹通字開壽監生攻舉業應鄉試未售好善仗義邑中

建考棚修文廟書院無捐助修橋路無不樂輸修城捐
貲効力邀優叙

彭運暄字眷西監生初應童試入監應鄉試樂施好善嘗
曰時行方便廣積陰功二言可奉終身常恐不逮耳施
捨救飢力行不倦

陳滋榮字詒崇州同好善樂施凡橋梁道路無不捐資修
好不吝邑中公事輸資出力倡損賓興公費出數百金
為倡首修志捐錢一百吊倡首

劉復祥字達和州同郡建陽明書院先捐百金為倡太守
王以好義可風旌之

曾應選丙辰舉人修文知縣與弟應遴縣丞捐金五百兩
捐田五百把以贍族塾自發蒙童試鄉會試俱有取資
子自建如舉知縣孫敬源高要縣知縣曾孫承顯上海
知縣元孫勉禮江浦知縣五世仕宦孫敬心恩貢州判
敬性廩生敬道恩貢敬期諸生曾孫承宣承休俱諸生
承綬刑臺典史

劉復誠字敬亭監生好善樂施距城八十里石陂肚江廣
交界要津建石橋一座又捐建本村角下潭石橋一座
費金千餘道光庚子角下潭橋為水冲倒其子職員盛
斯費三百金修復

何啟淳字世慶監生好善樂施道光甲午夏米貴告糴無

門啟淳出粟百餘石碾米救飢民人日給半斤接新乃已活貧人甚眾

監生曾應壩字伯友好善樂施倡修上下村橋六座乾隆乙卯升米八十文倡捐施粥三月活人甚多年登大耋男監生曾唯孫敬著職員曾寬曾孫承纘監生皆安分良善監生曾敬瑤字科成性穎悟攻舉子業父命攜弟敬璵敬璣人都筮仕璵分發廣西璣候京邸敬瑤歸養孝敬樂施予精岐黃術醫多立效自製丸藥數十種隨身帶之逢人施治不取值活人甚多修橋路拯飢寒不惜捐資人稱長者

監生曾承詒字啟慶好善樂施修要路十餘里贊以堅石人稱康莊拯飢利人常多其事

曾宗相字體坤州同嘉慶二十一年邑令李衢倡建考棚集人士於明倫堂勸輸宗相首捐三百金為倡人皆嚮應旬日之間樂輸以數千計

監生曹愈瓊字念祖長厚和平排難解紛人多欽服喜栽花吟詩著學詩偶存一卷教子孫勤學子觀光選拔孫搏萬諸生

監生凌道見字洪龍試府縣試屢前茅院試不利遂入監科舉一次薦未售遂不肄舉業億多中課子德煌食餼

德良大學生好善樂施遇歲飢必先倡賑減價修橋路
靡不樂輸沒年七十餘

諸生趙能風字爲南少穎悟從父諸生升堂課讀目下十
行父沒終喪應試入府庠後病不起樂施予子受煌監
生繼父志拯飢修橋路歲費多資無吝色

諸生曹起淵字文岸博學能文工詩畫著有松籟詩集邑
人吳之章序縣志繪圖出其手其孫愈仰於道光甲午
薦飢日爲粥以食餓者活人甚衆

監生鍾燦池字宣瑤好善樂施修通衢石橋五座要路二
十里人樂康莊

監生潘啟洋字宗江攻舉業重道隆師仗義樂施凡邑中
鄉間公事必先捐貲爲倡子三人長文得郡庠次文取
邑庠三文辰監生孫明棟明椿俱諸生

監生劉承玟字滿崇攻舉業好學不倦倡建族塾子兆淳
恩貢孫宗煌宗琢曾孫德莊元孫振錡振銑俱諸生書
香不替

庠貢生徐鏐劬貢徐州賢之子篤學孝友兄弟六人家淳
家渾家澍俱監生五六銓家潤歎首一堂和氣友愛足
式鄉里

貢生謝道和字燕藩生平仗義樂善合邑建文昌閣捐貲

爲倡執義無私卒能成事他如拯飢憐貧賑卹孤寡施舍不倦子世芳庠生世監生世芬中辛酉八名武魁孫師純鳳翥師姚師魏俱監生師晟庠生曾孫步卿監生培真歲貢世紹書香

耆壽

鍾挺揚字泮馨立心忠厚仗義好施年九十七歲子五生堯從九孫十八人學林學純從九曾孫十六人元孫一人五世一堂男婦八十六口今猶康強

曾敬修字乃來忠厚誠實從不與爭競今年九十四歲子五人孫三人一堂孝敬今猶康強

監生駱蘭章字芳谷負性悃樸貿易力作積有家私好善樂施邑有公事靡不捐貲爲倡修城捐貲百餘千嘗曰國朝文武捐納三班並用實有合於立賢無方之意長子爲儀納監次子效駿文庠三爲鵬四超駿俱武庠三班俱全孫曾十餘年八十五偕老猶康強

從九凌述明字秀林號鑑古性孝友誠樸長厚慷慨仗義排難解紛賑貧卹寡修造橋路捐貲不吝課讀積學子成器從九成文廩生成才監生俱樂善有父風壽八十

歲而終

王大琨字周瑞孝友一堂和睦四隣遇薦飢碾米減價以

濟窮之工岐黃術不取藥值所活甚眾子家源監生家
樑武生孫日光邑諸生日勲武生七十一舉鄉飲學師
周際飛有序五世一堂壽登九十歲

江承善字廷保從九品幼孤長樹立居心忠厚與人和平
後致饒裕積能散邑公事必捐輸爲倡隆重斯文生三
子長鳳山列諸生

王文衡字拔尤生平醇謹樸厚孝友一堂子孫衆多訓以
義方和睦族隣戚里不履公庭六十九口共食孫德新
監生年八十七猶康強

監生劉翰馨字松夫好善樂施性孝友和睦鄉里排難息
爭捐貲不惜近居十餘里橋渡以時修好不吝多費子
監生潤甘孫顯謨廩生

諸生鍾奇勲字紀常學優品端慷慨好義邑修文廟勸捐
多金不惜勤勞村間建文昌祠課子榮光成進士任通
山縣知縣每訓以省刑薄飲愛民陞知州歸之日清風
兩袖士庶思慕不合趨廷之教綦多

職員謝世煌性慷慨樂施予所居道路橋梁在十里內者
隨時修補人樂康莊年九十親見五代孫支四十餘人
監生何德崇字祥麟性孝友父沒母黃孺人患目疾早夜
舐之如是者三年母目復明人以爲孝感攻舉業學問

博洽詩禮啟後子欽撰入監克紹家聲

監生何宗藩字啟昌忠厚好義樂施予子六長裕昆次見龍俱監生三見萬四見發五見揚俱武庠六見祐監生身下百餘口和睦共食鄉舉介賓

何啟清好善樂施排難解紛爲鄉里所推重公舉鄉飲陳世沛性忠厚與人無忤足跡不履公庭里舉鄉飲

監生謝兆崑字已瑄負性慷慨樂善疎財凡邑中修學修城爭先樂助鄉間道路橋梁隨時損助不吝延師課讀設學租三十石以贍庠生子七四子其清食餼屢呈堂孫曾四十餘壽八十九終遺命設補廩花紅租七石

監生黃盛崑字蔚峯性忠厚慷慨好施邑修文廟書院捐貲爲助族有漕運公差籌贍經費以免派累生子三長廷斌武舉次金榜諸生三榮光監生孫昌杰恩貢昌烈九品昌鴻廩生昌熙武庠昌谷監生昌勳從九曾孫中容諸生皆克紹書香

監生黃昌國字組香四歲失姑母賴氏撫養及長聰慧入監攻舉業鄉試薦未售億多中致貨殖孝事孀母病侍湯藥必躬親泔濯滌穢不假於人祈母壽食齋三十年母沒哀毀骨立泣血三年未嘗見齒共稱孝子族係軍籍念漕運維難捐贍田五百把值大造命長子應昕承

辦十年賸勢萬金無吝甲午飢斗米千錢出谷五百石以賑子六長應所大學生次應暉諸生壽七十七無疾而終

張慶榮字新沐忠直長厚白手起家積至巨富慷慨樂施邑修學築城皆以多金為助近居橋梁道路二三十里時出貲修補歲費多貲尤敬士子有單寒者輒餽贈之無德邑舉鄉飲年八十四終長子名揚縣丞次子翼揚貢生能繼父志好施尚義

監生謝之光忠厚樸誠白手起家樂施予修學修城無不捐助和睦族隣人多信服

監生凌芳梅字掄雋號松友篤志力學試屢前列不遇遂授例入監鄉試薦不售乃構別業一所題曰亦足軒讀書課子吟詩栽花以自適鄉中有爭訟者一言遂平次子任台丁酉選拔京師與殿撰汪朗渠善贈有壽聯推為前輩

監生李培祉字宗福慷慨尚義咸豐四年粵匪滋擾捐錢四五百吊令其子監生植標招勇數百防堵賊不入境隣里安全

監生曾自展字憲祖器宇寬宏性儉樸富巨萬布衣麤食不御絲紬族有貸其債陸百千者叔姪相推償結訟至

府擣券呈官焚之不責償免爭太守欽服其餘施舍賑
飢歲多其事孫浩陽湖主簿承光湖南平江典史承壽
承魁承亨從九承裕承恩承福承祿承擢承澍監生承
彰貢生曾孫疇江蘇茶引太史甸湖南甯鄉典史廖廣
西奉議州知州璵郡庠曉江南衛領運千總昀從九元
孫德麟湖南試用縣丞軍功陞知縣賞戴藍翎四代仕
宦罔替

監生徐暄春字盛梅弟徐筠字盛松翰林待詔繼父志慷
慨尚義邑令徐公燧虧常平穀四百石代其出穀彌補
去任日券付還不責償無德邑人仰高誼

劉錫銘字遜德居心忠厚仗義好善邑中修學修書院修
城出力勸輸鄉間橋梁道路隨時勸捐修治和睦族里
子祝封諸生孫登祥業儒

劉福清字四貴忠厚和平與人無忤好善樂施公私無不
捐助子培楨監生有父風

潘運舉字鴻飛悃樸正直好善尚義和睦族隣年八十八
五世同堂長子啟發職員孫會四十餘口耕讀世守鄉
里推重舉鄉飲

監生潘啟東字啟明存心忠厚樸素無華邑中書院考棚
俱捐貲樂助子文陞例貢孫曉輝監生廷柱諸生俱好

義樂善

諸生謝斯仁字德溥學問淹洽好善尚義樂施予建考棚
修文廟書院修城廩不捐貲出力道光甲午夏飢碾米
減價以救族人之貧者日買一升極貧者日半升不取
值至大暑乃止活人甚多子立朝鳳翽立斌立珩俱監
生孫培松千總效莊優生邦恩履謙監生龍恩武庠皆
樂善好施有祖父風年八十七終

監生何上榮字浚源品行端正好善樂施自幼隨其祖在
苦竹施造鞏橋勦成厥美村間捐造厲壇贍租八石善
難枚舉子聯鵬詩禮啟事孫曾多眾皆有祖父風

何徽烈字生昌生平正直樂善凡邑中修學築城無不捐
助村間建造橋路廟庵罔不倡首解助享年八十餘以
壽終孫曾眾多克紹家聲

徐文堂字  忠厚樸誠好善樂施居近江廣要衝二三
十里橋路隨時捐貲修好利濟行人

潘燕瑞誠樸謹厚與人無爭好善尚義鄉村橋梁道路隨
時顧人修補人樂康莊數十年不懈

何芳秀字炳保千總封州同渾厚精明疎財尚義積而能
散邑有公事必捐貲爲倡修學捐貲百金修城捐銀三
百二十兩道光丁未逆匪謝嗣封倡亂撲城捐貲三百

兩咸豐四年粵匪謝其祥糾黨二千人扎長舉窺城捐
五百串招勇百餘人防堵六晝夜不懈團練捐錢三百
餘吊修志捐錢一百吊倡辦他如育嬰堂邑厲壇皆一
手董役長子州同奕松慷慨樂施立品端方有父風孫
世臣諸生孫會眾多樂善循理今年七十一妻劉安人
偕老邑人曾撰為作雙壽傳再入藝文

胡學廣字羣望天性篤實與物無忤家褚驕生七子友愛
情篤淑妻謝氏耄耄偕老親見四世繞膝八十餘口其
七子監生世彬亦有父風

胡世振字德隣道生慷慨好義撫孤姪傳芹如已子排難

解紛鄉里推重凡造橋修路歲多共其事

大學生胡傳鵬制行端方心存利濟精醫術施藥餌全活
甚眾鄉里德之

胡傳鴻州同好善仗義咸豐甲寅秋七月粵匪謝其祥糾
眾千餘竄擾北廂倡捐經費二百千團勇數千人會眾
協勦匪聞驚遽旋被撲滅鄉里賴以安堵

胡名標字應德以子瞻邦九品捐封登仕佐郎志存捍禦
咸豐丙辰土寇蜂起倡行團練設團局三所道路遂通
萑苻斂跡

監生謝松元字孟捷存心忠厚尚義樂施邑中修學考棚

修城捐貲勸理村間橋梁道路隨時捐助修治遇飢必減谷價賑貸長子章甫例貢次子章憲監生皆好善樂施有父風

潘啟聯字發寶忠厚謹樸事父母以孝篤族隣以和排難解紛人多欽服次子文升諸生

千總彭光辰字拱北孝友家庭和睦鄉里足不履公門邑中公事俱樂輸族人貧乏多周卹制行端方人咸重之子雲祥武庠

監生彭應典字應琦忠厚和平億多中致貨殖儉樸從不服絲綢積而能散邑公事多樂輸子邦銓例貢孫生禮

生河能繼祖志

監生鍾開濤字文淵幼失怙長成立致饒裕與兄諸生道成友愛樂善有日外出夜至麟石河墮無底深潭有巨人携而上爲善益力舉介賓以子遠揚州同封儒林郎妻■氏封安人子經濟燦池俱監生家聲樹珍俱從九孫壁達從九壁光諸生孫會二十餘皆和睦鄉里式其

家法

賴始榮字桂馨長厚孝友好善尚義邑中修學書院修城皆捐貲不吝鄉間橋梁道路隨時捐修行人稱便年八

十三歲猶康強子道清監生有父風

胡錫榮字恩培性穎敏工文藝試屢冠軍未售遂不應試讀書自樂吟詩作文兼通釋典好善樂施邑中修學修城勸捐多貲爲助鄉間橋梁道路有損卽修遇歲飢必捐賑勸輸活人甚多教孫課讀皆善良孫蓉字詒生克紹家學壽八十七考終

監生胡名振字廷烈攻舉業未售詩文自樂凡邑中入景多題詠有登雲蓋嶼詩付梓好善仗義公事勸輸必竭助鄉鄰有爭必排解族里欽式稱爲長者

彭應樅字應霖性孝友和睦族隣近居橋梁道路無不倡首捐修子舍輝武庠次三俱成立現年七十八歲舉鄉飲耆賓

從九彭應春字振皞品行端方周恤族隣生子三運璠鄉飲大賓師楣諸生運璵監生孫會三十餘人親見五代一堂足徵積德餘慶

監生鍾挺潤字挺玉素行正直好義喜施邑有公事無不捐貲鄉隣爭訟一言解釋舉介賓

監生潘文康字容賢監生啟琮之子也生八月而失恃父續娶范氏撫養事繼母以孝母生一子文載友愛爲捐

主簿亡生八子二子明翽六子明彰俱諸生七子明飄
從九生平慷慨好義邑公事多樂輸村間橋梁道路捐
貲修治遇飢必賑族隣和睦人多欽式今年八十九猶
康強

李達吾字清貫忠厚和平樂施好善黃沙村西雲庵皆其
創造人皆欽式

諸生李楫字公鏡學問博洽好善向義九邑中公事無不
倡修 縣王井以才高骨勁四字旌獎現監黃沙祖祠

監生李榮基慷慨向義 咸豐四年粵匪滋擾統姪承霖

奮勇殺賊數名里仰其忠勇

監生賴登道字行純砥節立行好善樂施邑修學修城
書院極力捐助通衢橋路隨時修補子六人俱職監
四子榮標廩膳生曾孫世大職員男婦百餘入十餘

壽終

賴登泮字行傳營千總存心忠厚樂施予和睦鄉里生
三子俱九品六品

諸生何杰字俊山性孝友學優品端建考棚修學宮捐
費勸輸不惜辛勤教子義方子大猷諸生恪遵父訓
鄉里欽服

監生盧昌敬字貴舒紹通三子性孝友繼父志遇善俱

樂施予邑令西以品重南金旌之

諸生王恩榮性孝友好善樂施邑中修學修城極力捐
咸豐四年撫軍委員到贛勸捐軍需助餉捐二百兩
旌以軍功六品

鄭銓謙字宗善監生性忠厚慷慨好施修學修城輸助
百金近居甲黃溪江廣要途捐造鞏橋一座費三百
金子廩生建中文行兼優倡捐 聖殿油燈建崇建
莊建同封職孫昌楓昌枝俱諸生曾孫檀字太亨軍
勲五品賞戴藍翎大楨軍勲九品子孫衆多皆善良
人謂積德之報

徐 筠號子青翰林待詔隆師好善見義必爲咸豐六
年土匪糾同粵寇滋擾邑城子青捐資助餉募勇保
城同治乙丑髮逆竄踞程鄉兵勇赴勦者沿途絡繹
子青贊襄陳明府供給裕如鮑軍門保舉賞戴藍翎
加提舉銜子用章監生用孚巡司用賓州同用儀廩
生用康主簿用謙守禦所千總

黃國宦號竭誠例貢生加五品銜富而好禮仗義疎財
族鄰有急恒周卹之建橋梁修道路俱慷慨樂輸

劉世傑字子才號蓮坡監生誥封五品幼承庭訓孝友
謙恭好善恤貧隆師敬客有小孟嘗之稱倡建城內

宗祠獨捐三百餘金咸豐六年寇匪猖獗蓮坡慨捐
百金來城設局募勇團練賊至撲城各鄉團合擊敗
之自丙辰以迄乙丑髮逆迭次擾境因有備而不敢
踞留恩貢生謝奪標作傳以紀其生平同時在局襄
辦者監生趙倫監生何世球廩生劉丕誠生員曹安
薰廩生陳立超生員潘士俊廩生劉鳳騰武生駱爲
鵬軍職潘文揚從九劉世球鄭秋元王德和

湯鳳儀字昭乾監生存心忠厚和睦族隣子孫衆多訓
以義方生五子長三五俱國學生次承斌入武庠四
承綸捐守禦千總能繼父志好善樂施隆師重道訓
薪水膏火俱慷慨捐貲不吝

藍 琰字經綸由武生捐援都司軍功保舉藍翎幼隨
父宦轍僑寓贛城咸豐八年髮逆入寇挈眷回籍在
村南社背坑築廬數椽居焉目覩黃田渡橋梁傾頽
無人修復每遇洪水舟子索錢無厭行人艱苦經綸
目擊心悲捐資贍造並不承接上手橋田因商伊四
兄崑山襄成之乃命子其鋒修板造鍊勞瘁不辭每
歲增補動費多金迄今十有餘年矣一遇洪水暴漲
雖雨夜必親往視橋不少懈

監生謝立京生平樸實好善樂施子四長子邦滋例貢
咸豐年間調勇堵禦捐錢給米屢次樂輸

守禦所千總謝立珺好善樂施孝順父母咸豐年間髮
逆疊至安邑調勇堵禦備給口糧費錢數百千保全
鄉里生四子履亨貢生履楨州同履謙監生履安布
政理問四世繞膝孫曾衆多

王文輝好善恤貧長子鳴鳳孫監生德賓曾孫業儒雲
初元孫榮泉五一世堂沒年八十七

例貢生王萬椿字周崧好善仗義乾隆乙卯捐票賑饑
以濟貧苦活人甚衆

監生朱興邦孝順父母慷慨仗義子貽文例貢生

彭邦賢字大賓少孤親手創業急公好善後因資助軍
餉賞授州同

彭漢洪字生河幼孤守成祖業性極溫柔由國學捐入
例貢旋捐布政司理問加二級

胡傳裕例貢生品行端方捐米勦賊力建勇祠現年七
十九

諸牛鄭榮渭字文卜素敦大義喜施與捐貲造留車東
鞏橋兩大甕門不吝多金值歲饑施粥糜以全饑民
毫無德色他如砌路架橋所在多有周恤貧乏至老

不倦課子義方與孫曾多遊庠序迄今子孫蕃衍人咸謂積德之報

陳德球號虞臣從九品咸豐六年團練有功保舉州同先貧後富好善樂施重修崇聖宮捐錢壹百千文書院加增膏火捐錢壹百千文又捐禮樂局錢數十千文唐葦樓明府以行誼非常匾旌之學師亦旌以聯老鴉河石橋捐錢貳百千文各處修橋砌路必捐貲樂助慷慨繳交族鄰借貸錢谷者多不取利子安金十六歲入邑庠

潘啟選號秀發從九品職和睦鄉隣排難解紛咸豐六

長甯縣志卷之二

冠帶

明

劉京縉世苦業寇舉家奔縣呈控七次產業流離耕山課嗣倡學于鄉孫應選登仕

范必琦年登百歲當道旌表屢與鄉飲四子十八孫人稱積善所致

謝金魁孝友篤于家庭忠信孚于閭閻

劉汝亮奉例上粟冠帶

劉景奉例冠帶

劉廷璉奉例上粟冠帶

劉廷珍奉例上粟冠帶

劉修祿因葉寇上京奏本屢與鄉飲

劉學文奉例冠帶

謝天怡奉例冠帶

龔汝鍵家貧教子激勸儒風

賴魁家貧教子激勸儒風

袁大治家貧教子激勸儒風

凌端正守分甘貧善教子孫

賴廷叙年登九十蒙賜布帛米肉會與會飲

駱紹舟奉例冠帶鄉邑稱善

謝舜開縣總理百工宵旰忘疲上嘉其勞給以冠帶

駱世鐸督修縣治夙夜匪懈先任知縣沈具申

院道旌以始末勤誠給以冠帶

茫思謀居家孝友先任知縣沈旌以敦龐繼美奉例冠

帶

謝春暘縣治百度俱勤督理先任知縣沈旌以幹濟長

才奉例冠帶

劉春榜奉例冠帶

羅相春奉例冠帶以上黃志

國朝

謝彥程 正賓

謝家轍 介賓

劉文楷 介賓

凌紹開 介賓

范九芝 賓飲

劉昌來 賓飲

周尙安 賓飲

范若文 賓飲

謝彥穆 賓飲

賴大樂 年九十九歲 賓飲

何大臣 賓飲

袁若清 賓飲

恩例冠帶

劉上元字等一敦行孝友周卹貧乏鄉閭有爭論者咸
質成之合邑推重年登八十于雍正三年以

恩詔例詳授八品頂帶榮身

農官

鍾成美 雍正五年

耆德

黃積龔心古貌樸行端德著本縣表其閭

黃宗和悃悞無華躬耕畝知縣黃舉以賓飲

劉萬隆居山林尙耕讀修德好古經歷傳舉以正賓

駱世錚孝友敦于家庭信義孚于鄉閭舉以賓飲

謝禹孝弟敦家詩書課嗣周恤隣族本縣表其閭

劉載囊敦睦傳家樂隱林泉跡罕公庭本縣表其閭

凌鳳瞻敦行孝弟周恤貧匱本縣表其閭

范仲卿習儒業棄功名潛逸山林教子睦族鄉稱孝友

本縣表其閭

鍾承安隱居山林教子睦族本縣表其閭

鄉飲

曾敬元字元輅忠厚樸誠舉鄉賓壽九十五沒

潘運茂字華貴制行端方教子監生啟耀行善樂施族

鄰欽服舉賓飲

監生曹愈瓊立品端方與人無忤和宗睦族鄉里推重

舉鄉飲介賓

王成才年七十餘從不爭訟一毫不苟族人親鄰欽式

舉鄉飲耆賓

雷五魁生平勁直好善事父母以孝處兄弟以和鄉里

雅推重之舉鄉飲耆賓

胡學堅字蒼賢生平好善慷慨重義鄉里推重舉耆賓

沒年八十有五

謝啟標字相陶性孝友坦直無私子監生洪璋孫庠生

一夔親見五代舉鄉飲耆賓壽八十八歲而沒

黃錦字玉京性醇樸和厚待人敦睦鄉里年登上壽

公舉鄉飲孫邑庠子齡

凌鯤化字雲霄孝親友愛和睦族鄰鄉里推重子道見道東道揚道標俱監生孫廩生德煌監生德烈庠生德綸從九德忠庠生玉書曾孫澄清諸生嘉慶十九年舉鄉飲沒年九十五歲

劉禮和字三賢性孝友居城內從不入公門族鄰親睦舉鄉飲年八十餘猶康健

范光昭字富華生平正直好善不履公庭年七十餘舉鄉飲耆賓

監生陳敦良好善安分居家孝友不與人爭鄉里推重舉鄉飲介賓

凌道成字兆仁性孝友平易近人子發源監生忠厚德家族戚推重之舉鄉飲耆賓

監生曹廷光字鳳祖號仁堂慷慨仗義好善樂施和睦戚族鄉里欽服子監生士升忠厚公舉鄉飲介賓

黃園林字登壽和睦族隣排難解紛人多悅服年登古稀鄉里公舉鄉飲耆賓

鍾開普字龍舞孝友素稱和睦族鄰年七十四戚里推重舉鄉飲耆賓

鍾純仁字已貴孝親友愛家庭雍睦忠厚樸直人推重之舉鄉飲耆賓

鍾尊三字生達性孝友和藹處世與人無忤鄉里式敬
舉鄉飲耆賓

蔣開榮字祖奎孝親友愛和睦鄰里舉耆賓

黃生鑑素性誠樸與人無忤鄉里重之舉鄉飲耆賓

何永芬忠厚誠實好善樂施村隣有事必爲排解無入
公門者年七十歲公舉鄉飲

曾異撰忠厚和平鄉里推重年七十七舉鄉飲

劉承裕字鼎先好善樂施青龍石洞獨力建造石橋里
許費百餘金至排難解紛人尤信服公舉鄉飲

劉朝敬字次祥邑庠生士林公之仲子和平正直耕
讀傳家公舉鄉飲耆賓子丕錦賑卹九品孫振整
例貢生曾孫世崧邑庠生皆積善之餘慶

凌家俊字祥福

劉國忠字文洄

廖大魁字錦士

袁尙忠字鳳騰

袁尙儀字鳳彩

大賓藍家箕字紹承

介賓藍大璣字榮貴

長甯縣志卷之二
耆實袁嘉祥字玉偉

長甯縣節婦志卷之二

節烈

坤德柔順位正乎內茹蘖甘荼松筠貞耐完璞全生稜
稜節槩 聖朝型俗闡幽彰晦揚舉里閭旌表下逮樹
之風聲爰勵百代 志節烈

鄭壽母趙氏諸生鄭應霖妻純慈淑孝應霖沒遺孤五氏
以母兼父課子孫有文名年百齡眼見六代乾隆丙辰
登賢書之運元其元孫也郡司馬高旌其賢壽 舊志

謝范氏諸生謝孔珂妻明經范若滂女也溫順賢淑生平
無疾言遽色及事老姑愉色婉容飲食必親奉不假奴

婢數十年如一日復挑燈相夫教四子暨諸孫宿有文
名年躬侍湯藥如一日嘗與同榻姑慮氏夙患氣痛恐
以久其婦德以子承發任鉛山教諭 勅封孺人 舊志

凌胡氏凌謙益妻諸生安黼母也事孀姑盡孝姑病十餘
卽世時語無他囑惟指壁箱書篋曰汝曹識之內外咸
欽病累婦故作難堪狀促令別寢氏孝事彌至姑終哀
甚病發而氣絕夢見姑以手運其胸曰你病愈矣少頃
忽甦自此果不復作人以爲孝感所致 舊志

溫張氏溫湯興妻平遠人幼許配湯興後溫貧不自支張
氏父復密許同鄉姚姓娶將屆期氏執義不從父母莫

之何張族之老成者廉氏志不可奪不令其父母知密

訂湯興來迎卒歸於溫鄉里賢之 舊志

凌胡氏監生凌元成妻甫于歸值姑病卽侍湯藥日夕弗

懈歷事三姑亦孝敬備至曲得歡心氏艱嗣因夫多病

爲置側室生男愛之如已出延師課訓爲邑諸生 舊志

范謝氏范玉喬妻孝子錫易女也秉性溫淑事兩姑曲得

歡心相夫理家政井井有條撫弟姪門內雍睦其子萬

椿萬松俱列庠序人欽賢婦 舊志

貞烈

明

陳烈女十歲時父某授以烈女傳為之講解未幾粵寇至其父與族人築砦避之砦破女投崖誤著半山荆棘中賊投以繩呼使挽而上女因脫棘刺復奮身躍崖死舊志

國朝

潘謝氏潘祝萬妻康熙丙辰粵寇蹂躪氏為賊所執罵不絕口賊怒剖其乳時年二十二歲郡志

邱何氏邱開先妻年二十八被賊執欲污之氏堅拒不從賊斷其左臂仍罵不輟為亂刀戮死郡志

鄭曾氏諸生鄭興霖妻于歸未久值粵寇阿婆總蹂躪鄉里族眾悉聚保狐狸砦攻急婦恐砦破被擄遂躍崖至

半有棘木承之未即死也寇退家人徧索得之引繩令

挽而上婦猶以為寇因脫棘復奮身躍崖死邑人吳之

章有詩輓之

廖華氏廖長子妻舅姑以其夫患痼疾勸令改嫁不從繼將強之去死之諸生吳之章為作烈婦傳舊志

傳云華氏三標保人家族寒微代無聞人故不知其父名即姓亦以女著烈婦髮未覆額父母已許廖氏子以

行居長即名長子長子狀奇醜且痼疾烈婦既字之安命無怨言歸未幾而姑失翁繼娶某氏以長子非已出

見輒生憎遂使之分爨別居烈婦惟十指作紅養其夫

不厭或聳繼母給烈婦更適烈婦泣謝曰此吾命也願
終身靡他知不可說乃復給長子曰汝疾不瘳且貧無
以終身盡出汝婦可獲數十金爲汝養生送死資烈婦
聞之泣謂其夫曰若存吾存吾何之從一而終婦職也
吾豈能覩顏爲他人婦乎於是卒不可奪復謂長子父
曰若子病不瘳若且老何以爲長子計若媳不汝從盍
善爲謀遂有富人聞烈婦少艾乘間以厚利啗之父果
動心決計去烈婦密約次日強劫之去不令烈婦知也
俄而烈婦覺揣不可再拒家僅一母雞殺而餉其夫曰
盡此一飯相別他日不復事汝矣善自愛飯畢燃松明
取夫敝衣從容緝禠授之夜將半伺翁如睡酣赴門外
深池死時年十八鄉人聞皆悼嘆自於汪令令以烈婦
出寒微不爲之動念而止惜哉

鄺趙氏鄺端伯聘妻年十六聞端伯死欲往端伯家執喪

父母難之越數日飲藥死

新增

凌謝氏凌鴻勳妻幼抱養於凌凌死氏年纔十三凌有伯
仲二兄已前死踰年父母復相繼沒僅存一弱弟數歲
氏力撻作養之其父母謂之曰汝猶處子貧乏孤弱如
此何自爲氏泣謝曰兒雖未成昏拜姑嫜已十載矣能
復爲他人婦乎守三十年凌氏伯叔謀於其父母欲強

長官縣志卷之二
之去父母許之氏知之自經死邑人凌人鳳爲作烈女
行新增

詩云吾家鴻勳十八殤昔未知名今不忘採風使者不
易到直恐節義湮窮鄉婦本童養謝氏女女年十三鴻
勳死姑嫜相繼秋葉零一門小叔依伶仃朝來負薪夜
深積饘粥時時空盆餅顛連三載如一日不知人間有
琴瑟何來媒妁進污言三尺羅巾甘似密荆卿劍子房
雖士爲知己死如歸平生未讀柏舟句斷腕截鼻將何
爲巢父牛許由耳此言何爲至於此富貴不貪貧非病
女子豈可蒙羞恥一時奇節喧鄉鄰父老驚嘆哀行人

可憐伯仲死太早雙雙遠嫁悲二嫂寄語世間息夫人
往來莫犯墳前草

吳周氏吳道 妻康熙十五年爲粵寇所執脅之不屈自
刎死時年二十五歲

劉謝氏劉道耕妻年二十二夫亡矢以身殉其祖姑諭之
曰吾老矣爾舅姑皆篤病爾忍令其重有憂乎乃止未
幾舅姑歿氏執喪如禮事祖姑甚勤祖姑沒乃死知縣
莫太鵬旌以職盡義全匾額新增

賴廖氏賴德郎妻年二十夫死甫生一子氏矢志撫之踰
年子復死兄嫂諷以他適不從兄公默與媒妁謀將奪

而嫁之氏知之夜半投繯死諸生鄺建中為作烈婦行
新增

詩云生於廖婦於賴結髮共期壽無害豈知二豎苦相
侵夫病垂危不可代拚將一死殉其夫懷中有兒泣呱
呱撫兒續夫夫不泯兒復天亡天太忍嗟哉一點血區
區空使未亡人觀閔兄嫂輕節義謂婦不祥久當去亦
知婦心不可轉竟謀強奪如鷹犬婦知其情渾不怒妾
今而後得死所夫死子死妾不死猶冀或有絲毫補今
而不死則何與吾聞死有重於山岳有輕於毛羽又聞
從容就義慷慨捐軀難易不可同年語為其重者難者

蓋不多見於烈丈夫而况鄉曲之婦女嗚乎烈婦真千

古

節孝

明

范賴氏范必雲妻年十八守節沒年七十三歲府縣志

劉賴氏劉必諧妻年二十七夫沒值禁寇之亂奉孀姑完

貞保聚教子壽仁有文行名安遠教諭張裕為作節孝

記沒年七十三縣府志

記畧云予始至濂振鐸以其有風化責故邑里賢淑必

咨訊焉聞劉生茂才壽仁母賴氏則其貞淑有可紀者

長官縣志 卷之二
茂才生五歲而先君早沒母齡方幼誓死不他適勤苦
兼耕績爲教子計夫弟五人先沒母于諸姪撫育備至
雍雍然御妯娌無間言姑在奉養至白首而婦道弗匱
謂之貞淑非耶蓋幼不再醮節之堅也貧而刻勵志之
勤也成立其子明之遠也善撫諸孤愛之篤也奉慈不
虧誠之至也五躋備焉婦道得矣子篤學有聲異日撥
魏躋膺必能爲母氏光子以師生義久有厚望焉姑記
此以俟

劉李氏劉珠妻年二十守節撫遺腹子成立壽九十安遠
教諭陳仲芳爲作貞壽序 縣府志

序畧云客有索言壽於節婦李氏者陳子曰不可率也
庸言喪真諛言毀直警言悖道是三者皆弗傳也凡再
越月采鄉評徵士論乃言曰母當不朽矣乎母之適劉
君珠也三年而孀齒二十有三娠甫三月下無伯叔妯
娌之依上有門祚宗祧之托旣媿而得男舅姑曰劉祀
其綫乎顧我二人之斃也日可待也留少嫠保遺孤存
故業我曷敢有望焉母誓死不二姬妯有諷者叱曰若
將胥予於犬彘耶乃卒守厥志存劉孤而有其業至今
齒九十矣子萬斌孫春輝春耀曾孫可進可選起焉夫
持節不渝貞也保孤無他慈也守業不墜智也是三義

者奇男子或愧焉母兼之固以致壽而終托於不朽者也使工爲之歌柏舟歌麟趾歌南山有臺客曰祝至矣憾邑志弗詳焉其張之以令不朽陳子曰予職也而茲也非其時也予將修之野史以待乎采民風者

劉尹氏劉問孔妻年二十五守節沒年七十七 縣府志

王邱氏王玉剛妻年二十守節沒年八十 縣府志

國朝

羅謝氏諸生羅太美妻年二十三守節以老旌表 縣府志

蔣王氏蔣人之妻年二十夫亡無子有土豪欲劫之以勢

氏發回以死自誓守節五十年沒年七十 縣府志

潘王氏諸生潘天才妻年二十一守節有豪家求娶氏痛

哭自縊救得免巡按御史奏聞旌表沒年六十六 縣府志

王劉氏王雲際妻笄年守節事姑孝謹撫孤錫晉列諸生

沒年八十 縣府志

劉王氏劉沅仙妻年二十守節撫遺腹子成立沒年七十

三 縣府志

曹王氏曹世球妻年二十三守節撫孤既娶而子婦俱天

茹荼苦守沒年八十 縣府志

藍羅氏諸生藍可迅妻年二十二守節撫孤沒年七十 縣府志

凌袁氏凌化溢妻年二十六守節孝事公姑沒年六十以

上舊志康熙五十三年甲午張志 縣府志

李何氏李春奎妻年二十三守節撫孤開邦列諸生沒年

九十一 縣府志

謝蕭氏謝光藜妻年十九撫遺腹子守節謹事老姑沒年

八十二乾隆元年旌表 縣府志

曾鄺氏曾宗爽妻年二十守節撫孤成立沒年八十乾隆

二年旌表 縣府志

范羅氏范思橋妻年二十六撫孤守節沒年九十七 縣府志

羅嚴氏羅瞻雲妻年二十一夫亡撫孤守節沒年七十二

縣府志

范劉氏范定一妻年二十守節沒年八十 縣府志

曹謝氏諸生曹淳章妻年二十六守節孝事繼姑沒年七

十四子引伯貢生 縣府志

劉温氏劉英玉妻年二十四守節孝事舅姑撫孤光寵成

立沒年八十八 縣府志

曹駱氏曹相章妻年二十二守節孝事舅姑撫孤引燁成

立沒年八十八 縣府志

羅韓氏羅芳瀾妻年二十二守節撫二孤曰春日和俱列

諸生沒年六十二 縣府志

謝梅氏謝以遜妻年二十二守節撫孤沒年七十二 縣府志

溫湯氏溫習之妻年二十六守節立後備歷艱辛沒年七十六 縣府志

邱駱氏邱廷春妻年二十二甘貧撫孤守節以終 縣府志
朱謝氏朱如崑妻年二十四守節撫孤以孝事姑沒年七十 縣府志

王潘氏王錫高妻年二十四撫孤事姑守節以終 縣府志

鄺劉氏鄺阜若妻年二十二家貧守節家人迫以他適氏自刎力救乃免撫孤事姑以終 縣府志

胡凌氏監生胡士揚妻青年守節事親撫孤文德成立沒年六十一 縣府志

凌胡氏監生凌日周妻年二十四守節撫孤元德貢生沒年六十餘 縣府志

潘謝氏潘時亮妻年十九守節撫子入泮 縣府志

凌謝氏凌必超妻年二十四守節撫孤克松歲貢生沒年八十 縣府志

曹方氏曹簡章妻笄年守節撫七月孤成立沒年七十九 縣府志

趙謝氏趙廷佐妻年二十二撫孤守節沒年七十五 縣府志

凌謝氏凌繼淵妻年二十二守節事姑生養死葬盡禮撫

孤寵列諸生沒年六十八 縣府志

鄭黃氏鄭其清妻年二十一守節撫遺腹子既娶而天姑
媳相依撫孤孫沒年六十三 縣府志

羅謝氏羅象吳妻年二十二守節子歲貢日清沒年六十
一 縣府志

廖徐氏廖德金妻年二十六守節撫孤沒年六十四 縣府志

凌謝氏諸生凌以茂妻年二十七守節沒年九十一 縣府志

胡曾氏胡文佐妻年少守節撫遺腹子成立沒年八十四

縣府志

溫鍾氏溫廷講妻年二十二家貧守節事姑撫孤沒年八

十二 縣府志

鄺張氏鄺景濂妻年少守節撫孤事姑沒年六十九 縣府志

潘謝氏潘餘三妻年二十二守節事姑撫孤沒年六十四

縣府志

邱蕭氏諸生邱題雲妻年二十八守節事親撫孤沒年六

十 縣府志

鍾宋氏鍾南周妻年二十四撫孤守節沒年六十六 縣府志

王吳氏王廷贊妻年二十五守節孝事公姑撫孤萬清列

諸生沒年六十五 縣府志

凌黃氏凌峻先妻年十七守節撫孤士元成立沒年九十

六 縣府志

袁劉氏袁松侶妻年二十八撫孤守節沒年八十一縣府志

以上實志乾隆四十三年戊戌知贛州府寶忻

黎凌氏黎尙瑞妻年二十四守節撫孤沒年八十府志

曾鍾氏曾之凰妻年二十八守節事父母以孝訓子孫以

正皆有成立沒年八十一府志

袁何氏袁師培妻年二十六守節孝事孀姑訓子雲階列

諸生有聲沒年六十二府志

彭黎氏彭則舜妻年二十六守節子早歿撫孫當大宋大

名捐百金造青龍橋公呈學憲給匾嘉獎壽九十七府志

廖凌氏廖鐘鼎妻監生上志母年二十五守節孝事公姑

沒年八十五孫庠生搏風曾孫庠生起元相繼成立乾

隆四十五年旌表元孫茂錦茂棠茂楨俱諸生府志

梅曾氏梅成五妻年二十五守節孝事公姑撫二孤成名

邑令邵給匾嘉獎壽八十終乾隆二十四年旌表府志

鄺韓氏鄺檜堂妻職員上和母年二十四守節孝事翁姑

爲立繼嗣成立納職理問沒年六十府志

凌王氏廩生凌伯仁妻年二十八夫亡守節孝事公姑長

子文燾監生次子文杰諸生沒年五十府志

廖王氏諸生廖搏風妻年二十六守節撫孤起元諸生沒

年六十四孫茂錦茂棠茂楨俱諸生府志

曹徐氏監生曹安仁妻庠生佐平母年二十六守節孝事

公姑人無間言沒年五十一 府志

劉賴氏劉中立妻年十九守節孝事翁姑繼嗣盛遠成立

孫德存入泮沒年七十三 府志

劉張氏劉兆鳳妻年二十三守節撫孤監生承瓚成立沒

年五十二 府志

謝徐氏諸生謝洪汾妻年二十八守節撫孤成立孝事翁

姑沒年七十四 府志

凌王氏監生凌崧申妻笄年守節孝事公姑沒年四十八

府志

徐凌氏諸生徐家鵬妻年二十六守節撫孤聲颺成立沒

年七十一 府志

鍾張氏鍾上鵬妻年二十五守節撫孤子早逝偕媳謝氏

撫孤孫辛苦無怨沒年七十二 府志

邱林氏邱達清妻年十八守節沒年七十 府志

王劉氏王瑤琨妻年二十五守節撫二孤長天次金玉娶

潘氏年二十六夫亡子潛熙監生劉氏沒年九十潘氏

八十四猶健 府志

林陳氏監生林達善妻年二十五守節撫二孤次子運新

入監長子雍度亡妻周氏立德輔為嗣姑媳同貞 府志

劉謝氏監生劉宗挺妻年二十八守節撫孤成立沒年六十四其孤婦鄺氏年二十四夫亡今亦守節二十年府志

趙劉氏監生趙鑑明妻年二十九守節撫孤殿楨生二子殿楨復死乃與其婦廖氏撫孫受斌候選縣丞受候選巡檢五世同堂沒年七十餘府志

溫謝氏溫紹宗妻年二十二夫亡撫週歲孤既娶而天與其婦鄺氏年十九相依守節謝氏沒年八十一鄺氏現年六十府志

羅范氏羅蘭椿妻年十八夫亡為夫立後守節二十餘年府志

李葉氏李芳秀妻年二十八夫亡撫孤甫冠而天乃立孫與孤婦何氏撫之姑婦俱以節終府志

曹劉氏曹愈俊妻年二十五夫亡為夫立後守節三十年府志

劉曾氏劉宗杰妻年二十六守節無子以兄子德燾兼承夫祀德燾生子立為孫殫力教育沒年五十四府志

劉謝氏劉槐四妻年二十四守節撫二孤成立沒年八十五府志

謝方氏謝奎照妻年十九守節撫孤成立沒年七十七府志

黎蕭氏黎名榜妻年二十守節撫孤成立沒年七十二府志

鍾陳氏鍾賢信妻年二十二守節中歲子復死撫孤孫成立沒年 府志

鍾涂氏鍾家將妻年十七守節撫孤成立沒年七十一 府志
曾潘氏曾家璠妻年二十五守節撫孤一貴為善士沒年 八十三 府志

劉曹氏劉琨振妻年二十九守節孝事姑嫜撫孤成立沒年五十六 府志

凌王氏廩生凌士江妻年二十八守節立兄子振宗撫之成立生孫四 長用舒九品二用賓三用舟四用仁俱諸生守節五十五年沒年八十三
徐潘氏徐五峯妻年二十八守節孝事孀姑撫孤家興納

貢現年九十一奉 旨旌表建坊 府志

曹謝氏監生曹愈登妻年二十一夫亡撫孤銓光成立候選巡檢守節六十四年詔建坊旌表沒年八十五 府志

凌王氏凌德琛妻年二十八守節孝事翁姑子天立嗣復天同媳王氏姑媳貞守沒年五十四 府志

陳謝氏諸生陳開任妻年二十六守節撫孤元朗從九品現年七十四 府志

劉范氏劉慶錫妻諸生劉永建母年十四夫亡守節孝事孀姑立夫姪為嗣邑令宛學院潘俱旌匾沒年六十六

府志

凌劉氏凌兆慶妻監生德規母年二十八守節冰蘖自勵
撫孤成立沒年五十七府志

劉鍾氏職員劉宗璉妻年二十八守節撫三孤監生德誠
等皆成立孫振輩入泮學院潘以菽式松貞旌其門沒
年八十三府志

凌藍氏凌儒林妻年二十守節事公姑孝順門內雍和撫
孤成立沒年五十四府志

徐王氏監生徐聲綸妻年二十五守節撫孤子梁成立現
年七十四府志

陳劉氏吏目陳應坦妻年二十八守節撫孤三人成立孫

滋榮州同槐晃宣德尙榮俱諸生沒年七十四府志

陳尹氏陳五常妻年二十五守節撫孤成立五世同堂現
年八十六府志

謝范氏謝元恩妻年十九夫亡哀毀幾絕姑命立後事姑
孝順守節六十年沒年七十九府志

鄺凌氏鄺全筆妻年二十四守節立夫弟子文彬爲嗣氏
患目疾文彬舐而愈現年六十三府志

潘彭氏潘衢祿妻年二十三守節孝事翁姑姑疾盛暑嚴
寒不離左右現年五十五府志

汪邱氏汪鴻圖妻年十八夫應童試在郡病沒遺腹三月

生子廣清撫成立起家孫會五代守節五十四年現年七十五府志

曾藍氏曾積鶴妻年二十二守節撫二孤居曠田有夫弟三人二小叔欲迫嫁吞產乃避居上礫外父家孤長頗有財貲長前峯回曠田次前岡居上礫至今兩房蕃

昌為邑甲姓

曾梅氏曾達行妻貢生梅初開女順治四年丁亥粵寇謝志良圍縣城劫掠鄉村氏親支俱遭殺害少子之蕃馳馬在外祖家避難中途為賊擄氏賣產贖回以延一綫會黃氏諸生曾岸叔妻生員黃來五之女丁亥之難賊擄

氏欲挾以行氏給賊入室收衣飾同去賊信縱之久不出縊於梁賊見駭去府志

趙劉氏從九趙受斐妻年二十四夫亡撫孤趙儻成立捐布政司理問子故孫任選議叙八品守節四十年今年六十四府志

范溫氏范承熙妻年二十五夫亡家貧守節撫遺腹子成立沒年六十七府志

胡周氏胡蛟雲妻年二十二守節撫孤成立現年六十八府志

劉梅氏劉宗桂妻年二十八夫亡家貧守節撫孤成立現

長寧縣志 卷之二
年六十二 府志

劉黎氏劉宗林妻年十九守節立族子為後撫之成立現年五十 府志

劉朱氏劉舜麟妻年二十二夫亡今守節二十四年 府志

劉曾氏劉宗輝妻年二十三夫亡遺腹生孤德淵撫成立入監守節五十三年七十六終 府志

劉曾氏劉兆瑚妻年二十三夫亡撫遺腹子宗遺成立入

監孫德昭德暎俱入監德暎皆成立氏年八十二猶康

強 府志

范方氏范洪清妻年二十八守節孝事翁姑撫孤成立女

一適郡庠潘文得賢淑宜家生子五俱文品兼優足徵

姆教傳芳 府志

古劉氏古世昌妻夫亡守節撫孤成立

嚴鍾氏嚴永成妻夫亡守節撫孤成立

古羅氏古開章妻夫亡守節撫孤成立

凌胡氏凌成章妻夫亡守節撫孤成立

曹吳氏曹淑祉妻夫亡守節撫孤成立

潘 女潘自源女未嫁聞謗自盡乾隆四十四年旌表

趙 女趙衿佐女名淑人幼字鄭端伯年十六夫亡欲過

門守節祖母及父阻之即投繯覺救免閱數日度歲防

疎卒藥飲死邑人士呈報請旌

長寧縣志 卷之二 節婦志 六

謝氏女貢生謝培貞堂姑年十八許嫁藍姓訂期歸娶乾隆庚子年七月初一夜發蛟平地水深二丈舉家倉皇逃命父命工人牽女上岸女不肯被水溺死

劉溫氏劉元曜妻年十六已受聘未娶元曜沒氏聞訃號泣來奔喪撫夫屍大慟如有夙根送葬後卽入室守節孝事翁姑欲立嗣無當意者迄翁姑終矢志不移遺產數百金付胞姪天羽天鵬曰吾夫婦無餒而可也守節五十三年沒至今兩房祀掃馨香不替

范鍾氏范秉員妻年三十夫沒撫孤三長光宗布政司照磨次光榮州同三光和例貢親見五代沒年八十二

范劉氏貢生范成矩妻年二十八夫亡孝事公姑撫孤子六人俱成立顯名守節三十三年沒

范鍾氏范相儒妻事公姑得親歡課兒孫力學紡聲伴讀子啟韶領歲薦孫成瀾述淹俱入泮沒年八十八

曾蕭氏貢生曾自松妻年二十夫亡守節立嗣敬煥從九品故又立孫事親二十九載孝敬不怠計守節五十五年八十四終以夫弟自柏任四川大竹縣知縣貤封七品孺人

曾劉氏監生曾自位妻年二十四守節撫孤長子敬琮次子敬琳俱監生孫曾五代沒年七十七

曾邱氏曾瑞月妻年二十八守節撫三孤次天長三成立
孝順公姑積有衣食沒年七十六

曾黎氏職員曾承恩妻年十九夫亡遺孤子數月矢志堅
貞守節五十四年七十三終

謝劉氏謝而栗妻年十九夫亡立夫弟徽恭次子爲嗣守
節六十八年沒年八十七

謝劉氏謝徽恭妻年二十五夫亡長子貢震年六歲撫以
成立次過繼爲嗣守節五十九年壽八十四終

彭陳氏彭相才妻夫故氏持家三十年課子孫成名拯饑
施舍致富子運顯光照連暄光辰皆入監孫雲祥入泮

今年八十九

曹范氏山西廣武司曹瑞元妻守節三十一年撫孤景光
布政司理問子故爲孫安煦入監今年八十六

曹湯氏庠生曹名標妻年二十七守節撫孤光澍入監孫
曾十餘人沒年八十八

曹鍾氏曹耿光妻年二十守節撫孤子士奇成立捐布政
司理問子故撫孫貞琮守節三十三年

曹王氏監生曹愈崑妻年二十二夫亡撫孤光文成立入
監守節四十八年今年七十

雷黃氏雷萬光妻事後姑以孝聞沒身不衰子孫四十餘

人課以耕讀從不與人爭競年七十餘供大士像誦經
虔誠獨構一房食素時屆亢旱村人求雨不應氏淨服
至壇禮拜甘霖立沛人以爲雷母雨

朱陳氏朱映宸妻年二十六守節撫孤傳後沒年八十四
謝范氏謝希賢妻年十九夫亡無子立堂姪芹綠早故遺
腹孫欽安撫成立入監親見曾孫其昭入泮其昌監生
其所職員元孫之春食餼子奪標入泮五世皆昌沒年
七十九

潘陳氏從九潘文煥妻年十二于歸十八文煥隨父直隸
南宮縣典史任赴京分發回籍沒於途氏撫棺大慟欲

以身殉妯娌勸慰立族子明初爲後守節三十五年

王凌氏王學優妻年十八守節撫孤天成生孫四人守節
四十六年

王趙氏王森槐妻年二十五夫亡家寒守節撫二孤操作
辛勤致小康親見五代守節四十五年今年七十一

王凌氏王仰曾妻年十八夫亡一女無子立嗣寅亮生孫
三人守節五十八年沒年七十六

吳劉氏吳敬德妻年二十三守節撫孤襄廷三歲成立納
職九品孫三人守節三十四年沒年五十七

張周氏張紹武妻年二十夫亡撫孤二長文成道光乙酉

長甯縣志 卷之二
拔貢正藍旗教習次鳳占俱成立孫會數人守節六十二年現年八十二

張凌氏監生張文珏妻年二十二夫亡孀守撫孤成立守節三十八年

曾謝氏曾達三妻年二十八守節遺三孤家貧或勸改適不移辛勤操作撫孤成立孫三人沒年七十

曾郭氏曾俊模妻年二十七守節賣薪自給撫二孤季章福章均成立沒年六十六

曾劉氏曾沛霖妻年二十五夫亡無子立胞兄孫廩虞爲嗣守節六十六年沒年九十一

凌王氏凌德良妻年二十二夫亡撫二孤重慶同慶俱成立守節三十年

曹羅氏曹金瑞妻年二十五夫亡家寒守節撫二孤力作度日孤成立家致小康守節三十九年今年六十四

曹謝氏曹體元妻幼從父讀通文理年十六嫁次年夫亡立貞嗣爲子守節四十七年今年六十四

曹曾氏曹翠霖妻年二十夫亡守節撫遺腹子照光成立沒年五十五

陳梅氏監生陳作瑚妻年二十七夫亡撫孤守節訓子詩書子科金大經同年入泮今九十一猶康強

長官鼎元 卷之二
陳劉氏陳作殿妻年二十七夫亡立子譽彰爲後守節四十五年沒年七十二譽彰妻賴氏年二十二夫亡立子監生陳發隆守節六十二年孫曾十餘人今年八十四猶健

陳劉氏庠生陳尙榮妻年二十五夫亡撫孤監生淨志事公姑以孝子故撫孫蘭輝輔成守節三十二年
何吳氏監生何正文妻年二十五夫亡撫二孤成立長啟源主簿次含邑庠夫弟監生國治夫妻俱亡孤姪啟淳視如己子撫成入監含子昌鵬入泮守節五十年今七十五猶存

郭劉氏郭殿瑚妻年十八夫亡娠甫五月既娩得男名歷書翁利其嫁矢志不移撫孤成立孫曾五人四世一堂守節五十六年現年七十四

陳李氏陳國璵妻年二十一夫亡遺腹於出柩時生名子興成立生孫五人曾孫三人守節五十二年今年七十三

鍾陳氏監生鍾開芹妻年二十八夫亡撫孤教子世駿力學列諸生守節四十九年今年七十七猶康強
羅曹氏從九羅良猷妻年二十二夫亡撫二孤允祥允炎俱成立守節三十一年今年五十三

邱賴氏邱文覺妻年二十八夫亡守節撫四孤俱成立
孫家上介賓家元監生曾孫職祥榮監祥霑捷掄捷
成春霖元孫邱申錦標俱諸生守節六十年沒年八
十八安遠舉人郭恒臣以栢操松齡匾旌

劉謝氏監生劉永熙妻年二十六守節撫孤掄元成立
孫二人事姑以孝沒年六十三

劉張氏劉永年妻年二十五守節撫二孤長振聲成立
次紹中邑諸生守節三十六年今六十一猶健

劉張氏劉鶴纘年廿六夫亡生子盛昌盛烈夫往韶州
歿於途氏撫孤成立起家守節五十年歿年七十六

劉王氏劉玉相妻年二十二夫亡撫孤業儒習儒成立
守節五十二年今年七十四猶健

劉賴氏劉國臣妻年十八夫亡遺腹生子紹宗撫成立
生孫三人守節四十五年今年六十三

劉謝氏劉書田妻年二十七夫亡撫孤慶高三歲成立
八監守節二十六年歿年五十三

謝劉氏監生謝其堯妻年二十夫亡遺孤五月姑鄭氏
年七十氏撫孤事姑人稱其孝子之善成立例貢孫
日臨日莊諸生守節四十六年歿年六十六

趙劉氏監生趙升聰妻年二十九夫亡撫孤子能揚監

長寧縣志 卷之二 節婦志
生守節五十年沒年七十九能揚妻廖氏年二十八夫亡守節五十四年沒年八十二建坊旌表

趙謝氏諸生趙能風妻年二十八夫亡遺孤三人氏撫孤持家延師教子長受煌監生次受輝三受焯先後入泮守節四十三年今年七十一猶健

劉徐氏職員劉奕梧妻年二十七守節夫兄員鳳杰憫其貞以次子多文爲其嗣今年五十五

趙劉氏趙寅東妻年二十八夫亡撫二孤長受炳邑諸生次受煦年十五投河救母氏守節四十二年今年七十猶健

劉陳氏劉必成妻年二十一夫亡撫孤成立孫曾五人守節四十二年今年六十三

劉趙氏劉朝幹妻年二十四夫亡孤周歲翁年八十氏事翁撫孤宗穆成立捐職員翁沒喪葬盡禮人稱孝婦守節六十二年沒年八十六

何鍾氏何乾琬妻年二十六夫亡撫孤成立孫紹英入泮沒年六十餘

劉梅氏劉惠霖妻年二十二夫亡越二月遺腹生子名天佑撫孤持家致饒裕子入監守節五十八年沒年八十諸生黃在中 有詩表其節

廿年黃鵠影單沈數月遺胎盼好音天錫佳兒麟是玉
人傳孝婦節如金丁零苦盡霜催鬢子夜寒深石化心
回首青春傷命薄那堪拭淚濕怨衿長留勁節八旬年
五世同堂簇眼前子舍成名傳荻教孫枝香溢種心田
冰霜磨鍊神添健松柏青色更鮮寄語閨中孀淑女
蒼穹從不負貞堅

鍾盧氏鍾潤身妻年二十五夫亡家貧守節撫二孤成立
起家長宣東職員次宜春守節六十三年親五代沒年
八十

曾謝氏曾華春妻年二十九夫亡遺孤六歲長經商二十
餘年未知何往氏遂食素守節五十一年沒年八十三

鍾曾氏鍾 妻年二十夫亡

曹羅氏諸生曹則學妻孝事公姑相夫力學有文名夫沒
撫孤子大滋成立出仕任雲南州吏目勅贈孺人

梅曾氏梅非斌妻年二十三守節撫孤子永淵永浩成立
沒年七十六旌表

曾劉氏曾敬惠妻年二十八夫亡家貧矢志堅貞撫四孤
二三天長玉慶幼捷慶成立起家守節三十五年今年
六十三猶康健

劉侯氏劉宗振妻年二十八夫亡家貧守節撫孤德秀成

立起家守節三十四年今年六十二

劉湯氏劉玉懷妻年二十七夫亡撫二孤成立守節三十六年今年六十三

賴邱氏賴在衡妻年二十八夫亡撫三孤成立長德揚監生次化鵬郡庠三騰蛟孫十二守節四十四年今年七十二

十二

曾潘氏曾昌禹妻年二十五夫亡撫孤子一貴守翰通成立守節五十八年沒年八十三

劉朱氏劉慶佑妻年二十七家貧守節孝事翁姑撫孤子振銑入泮現年六十五

尹謝氏尹鳴臯妻年二十三守節孝事公姑撫孤及姪俱

克成立歿年六十九

府志

羅潘氏羅侯璧妻年二十二守節撫孤以孝事姑歿年八

十三

府志

藍謝氏儒童藍凝初妻年二十一夫亡撫教二孤長旂次在田俱諸生歿年七十五歲

藍羅氏廩生藍人騏妻年二十二夫亡孝事公姑撫孤交蒸入監守節五十五年今七十七歲

藍范氏儒童藍菁蔚妻年二十一夫亡守節撫孤藍品章例貢歿年六十三

府志

藍范氏貢生藍品章妻年二十三夫亡孝事孀姑守節撫孤成立現年六十歲

藍周氏貢生藍猷妻年二十四夫亡教子文豹諸生歿年

七十七

府志

藍謝氏儒童藍紳士妻年二十守節孝事公姑撫孤成立現年七十五歲

劉潘氏劉朝福妻年二十一夫亡守節孝事公姑撫孤鳳羣鳳高俱入監歿年九十歲

藍劉氏藍善餘妻年二十夫亡繼嗣蘭森成立守節四十年歿年六十歲

徐彭氏徐舉元妻年二十八夫亡公姑老立族子丕鼎亡

復立胞弟聲瑞子紹接承祧苦節而貞歿年六十六歲

劉何氏典史劉承鎮妻性孝謹承鎮守官山東遣人迎養

父母父母憚遠行遂留氏在家侍奉氏以婦代子歷數

十年如一日父母甚愛憐之教子勤治家織悉皆有法

度生平無疾言遽色中更憂愔愔如常人不能窺其意

旨累封大宜人五世同堂年八十有一孫婦曾氏黎

氏俱見節孝曾孫婦曹氏事舅姑勤隨夫需次湖北舅

至其寓病侍湯藥歷三年不懈

何黃氏監生何士珍妻年二十二夫亡孝事公姑撫孤三

人成立長元欽入監守節二十三年孝公姑沒身不倦
族諸生何元香有詩表其節孝云雙親老矣髮番番繞
膝三孤泣奈何已失所天惟有我未亡之死矢靡他集
蓼茹蘗真辛苦畫荻和熊幾折磨盡孝盡慈兼盡節芳
傳女史也無多

王凌氏王興祥妻年

二十二夫亡子天立堂姪諸生漢升次子立宗爲孫守節三十六年猶存

劉曹氏劉鯤振妻年二十五夫亡撫孤監生奕機考祥俱

成立孫振峯振崧俱入泮守節四十六年沒年七十一
歲

邱曹氏邱朝舉妻夫亡撫孤書升課讀成立守節三十年

邱賴氏邱辰龍妻年二十夫亡守志堅貞立夫兄諸生提

掄次子承賜爲嗣守節四十年

鍾陳氏鍾仰南妻 恩貢生天斗母也有賢德勤以教子

嘗聘吉水李廷諫爲塾師時廷諫新喪婦子邦華方髫
齡隨館其家保怙周至後邦華貴顯從京師作贊寄之
贊曰孺人之容鉛華不飾孺人之性敬恭純一安其貞
體坤之寧溫而惠盡婦之職最可敬者生存教子之勤
極不忘者昔年愛我之德

劉謝氏監生劉上捷妻助夫捐贍橋梁夫沒氏撫孤子宗

瑩繼父志樂施乾隆乙卯邑大饑斗米千錢氏命子婦

括家中所積穀百餘石爲粥以食餓者恐不給合家減膳接新乃已活人甚多

李何氏李步青妻節婦李葉氏媳年二十二夫亡無子立堂姪從九興標爲嗣姑葉氏卧病十餘載侍養固憊孫石壽文華成立克承宗祧守節四十八年沒年七十

鄭侯氏拔貢運璠妻年二十七夫亡教孤子上澄貢孫翊朝入監守節四十九年沒年七十六

潘劉氏例貢潘文陞妻年二十六夫亡守節孝事翁姑撫二孤長曉輝監生次廷柱庠生守節三十年猶康健

劉潘氏儒童劉華玉妻年二十四夫亡守節孝事翁姑撫胞兄子琴理爲嗣成立守節六十一年沒年八十五

盧潘氏盧昌博妻年十九夫亡無子立夫弟貢生昌基次子監生家仁爲嗣守節五十年今年七十六猶健

鄭廖氏鄭德松妻諸生廖昌益女也年二十夫亡撫孤子昌邦督課不怠列諸生守節四十八年

邱鄭氏邱靈傑妻年二十三夫亡撫孤子連輝成立見曾孫守節五十五年今年七十八

邱曾氏邱東材妻年二十五夫亡撫孤三人成立生孫守節四十八年今年七十三

凌王氏庠生凌遇隆妻年二十八夫亡撫二孤守節五十

年壽八十二終

何湯氏何戊三妻年二十二夫亡遺孤子一孝事公姑勤儉成家生孫守節三十九年猶健

凌周氏儒童凌成章妻廩生成文兄嫂年二十一夫亡孤凌家珩甫四月撫成立孝公姑和妯娌視諸姪如己子守節四十年今六十一歲猶康強

王藍氏監生王文明妻年十九歲夫亡無子繼胞弟庠生王文英次子監生美祖爲嗣孝公姑睦妯娌克紹宗祧守節五十四年今七十二歲猶康強

凌林氏儒童凌芳華妻年廿夫亡撫孤任崑成立從九品氏性慈和待諸姪如己出胞姪任台以選拔朝考入都欲爲請旌未行後守節三十年從姪任翀入都會試與興國鍾太史啟峒龍南徐太史德周出具同鄉印結請

旨建坊旌表

王凌氏王恩錫妻年二十四歲夫故撫孤成立守節四十六年今七十歲

鄭彭氏鄭沛超妻年二十夫亡撫孤運振歲貢孫上俊上倫諸生上祁職員曾孫鄭馨諸生守節三十六年歿以子貴封八品孺人

鍾賴氏鍾天賢妻年二十二夫應童試沒於郡邸遺孤二歲建伯撫成立守節四十六年教諭姜文龍以勁節可風額旌鍾榮光八世祖母也後享壽八十而終

凌王氏凌富朋妻年二十八夫亡無子立嗣承光成立孫六守節五十九年八十七壽終

凌藍氏凌履福妻年二十五夫亡撫孤章漢成立生孫守節三十五年今六十八歲

凌劉氏凌肯堂之妻年二十八夫亡撫孤河清成立守節三十二年今年六十歲

凌賴氏凌啟心之妻二十九歲夫亡子逝繼孫成立守節三十二年今年六十一

凌王氏凌東陽妻年二十生子降福夫往川不回家貧採薪耕作傭工度日歷十餘年子復病亡苦節三十餘年而終

凌王氏諸生凌蓮會妻年二十一夫亡二子旋沒守節四十九年壽終

黃賴氏黃榮中妻年二十夫亡遺孤昌國甫四齡氏教子理家致富孫六人應昕監應暉庠生應曦等均成立守節六十餘年學使張旌以松貞栢壽匾沒年八十八歲

謝彭氏謝日新妻年二十夫亡立子炳然承祧善事公姑

得親歡守節三十一年

方鍾氏儒童方俊選妻二十七夫亡撫孤保固甫三月成立孝事老姑守節五十八年猶康強

曹張氏童生曹克恒妻年二十二夫亡矢志守節孝事翁姑立兄子鵬翼爲嗣撫如己出守節二十九年現年五十一歲

曹范氏童生曹克峻妻年十九夫亡氏自少婦事翁姑惟謹甚得姑歡夫死誓以身殉姑慰勸立兄子鵬展爲嗣撫養備至守節三十四年

潘江氏潘明柳妻年二十二夫亡氏痛以身殉其姑防密無間明年二月氏詣夫墓痛哭至夜半身死人稱貞烈歿年二十二諸生劉振錡以姻誼爲之立傳

江烈婦傳

潘江氏諸生活潘文得三子明柳妻也幼歸門甚得翁姑歡琴瑟靜好每讀書常以紡聲伴明柳穎敏其二兄明棣明椿皆早列諸生明柳發憤肆力於學積勞成疾咸豐五年八月病故氏哭幾絕誓以身殉姑密防之不得間至次年正月往省父母有謂氏曰如汝之年尚有未嫁者汝又無子何自苦爲氏應曰從一而終婦道也吾雖不得相偕以老然見夫塚如見吾夫焉卽化石何恨又

私謂其妹曰吾身存一日卽翁姑多一憂命蹇如此生不如死言訖淚下後回家婦職如常言笑自若忽一日烈婦親詣夫墳痛哭不止夜半奄息在床命已絕矣嗚呼烈婦之視死如歸從容就義巾幗中烈丈夫矣時年二十二歲在丙辰二月廿七日也翁姑以夫二兄之三子家蛤爲嗣

外叔諸生江鳳山以詩弔之云蕙質輕輕女少年拚將一死報重泉從容就義藁礫在慷慨殉夫性命捐織履奉姑形不露氏自夫死數月每日爲履皆與已足不合蓋雷以貽姑也遺言畱妹事堪憐修逢志乘揮椽筆爲寫幽貞紀錦箋

胡周氏監生胡文上妻年二十四夫亡遺孤學權甫四齡氏撫成立入監乾隆二十九年氏六旬前縣黨以勁節可風匾旌守節五十八年壽八十二終

謝胡氏監生謝立朝妻年二十八夫亡矢志貞守孝翁姑撫三孤長培松干總次恒休三效莊諸生守節四十六年沒年七十四

謝歐陽氏謝大鵬妻年十四夫往川六十二年不回氏紡織度日持守堅貞逝不他適年七十六而終族里憐重之

謝王氏監生謝邦基妻年二十七夫亡守志堅貞和睦妯

長子宗培業儒
守節三十年五十七歲而歿

謝會氏謝則禹妻年二十八夫亡撫二孤成立守節五十七年現今八十五歲猶康健

謝王氏謝翊漢之妻年二十七夫亡撫孤四人孫曾十餘人守節五十六年八十四歲而沒

謝王氏謝敷五妻二十九歲夫亡撫孤二媳王氏楚珩妻二十九夫亡男二長子萬炳監生姑守節五十五年今年八十四猶健媳守節二十七年今年六十六姑媳同貞

羅廖氏諸生羅廷植妻孝敬翁姑佐夫博學年二十五夫亡撫孤守節不惜菽水之勞子二長光烈入泮次日章俱成立子孫繞膝戲彩家中有孝友遺風焉 學憲翁以松栢貞操四字旌獎表揚現年七十六歲猶康健

潘劉氏潘洪簡妻年十八夫亡遺腹生孤澄淵撫成立捐職員氏治家嚴肅守節三十八年未常見齒人稱貞節

潘謝氏潘明憲妻年二十二夫亡誓以殉妯娌勸慰曰汝隨夫死而無後曷若立嗣守節以延夫後至三十一翁文康公見其志之堅也立三男明圖次子為嗣名曰接秀後夫二兄明颺妻謝氏夫三兄明圖妻鄭氏夫五弟

明香妻劉氏俱三十守夫入弟明發妻姚氏又二十二夫亡父母欲奪其志誓曰四嫂謝氏無子而立嗣守我可有子不守乎矢死靡他至今五氏俱守節二三十年一門雍睦族戚表其門曰五節流芳

李劉氏監生李植有妻年三十夫亡撫孤蘭騰入監守節四十二年現年七十二歲猶康強

李會氏李植偉妻年二十五夫亡撫孤永徽入監守節四十餘年

李會氏李植來妻年二十守節孝事翁姑子天同媳劉氏姑媳貞守

賴邱氏賴慶銑妻年十七夫亡矢志貞守立堂兄慶良三子紹震爲嗣更名世大捐職員守節三十餘年猶

康強

謝張氏謝方穎妻二十八夫亡撫孤四成立起家子上昭上臨臨學上霄俱監生孫啟道啟墳啟猷啟愷啟

璠俱監生子孫衆多親見七代九十六壽終

王曹氏例貢王攀榮妻年廿五夫亡遺孤子王邦熙方六歲撫成立入監生孫五人守節三十三年例得請旌今猶康強

賴梅氏監生賴元蒸妻年二十七夫亡守志撫二孤長

才美國學次才英軍功六品守節三十四年今六十
一猶康強

謝劉氏謝殿颺之妻年二十四夫亡撫孤文詳五歲孫
七人曾孫九人守節六十三年沒年八十七歲
職員謝含輝之長媳曹氏年二十七撫孤沒年六十八
歲瑞麟生三子二孫同媳湯氏姑媳貞守五世一堂
梅趙氏梅華文妻年二十歲夫亡現年六十四歲立廊
文弟二子元鳳爲嗣納監生孫一今猶康健

節烈

民婦王如抑之妻周氏於順治五年戊子避亂於本處
上高寨遇寇圍困縱火燬室被執哄賊有銀在房取
獻不受辱以身投火焰中而死終五十三歲生子五
長道平庠生次道南增生三道中庠生四道甘廩生
五道新處士

廩生劉德姚之妻梅氏年四十三歲南橋龍圖村人氏
性謹樸奉舅姑孝咸豐十年十月初十日逆竄南鄉
被掠逼脅誓死不屈從容罵賊曰我士人妻明大義
豈肯從爾賊奴耶過溪橋躍淵觸灘石頭腦俱裂罵

不絕口賊怒刺之以矛而死越數日面目如生邑令沈鎔經作詩以紀其事戚友撰詩歌傳文詠之

文童古燈光之妻劉氏年三十七歲篁鄉糶米崗人氏性勤謹家貧紡績爲食咸豐十年十月逆入村氏被掠罵賊不休氏夫燈光欲奪氏回賊殺之氏因夫死罵聲加厲手奪賊刀自刎而死

民人溫榮炳之母梅氏妻鍾氏同治三年九月初二日賊入境梅氏罵賊遇害鍾氏背負幼女逃避遇賊追逼不從負女投塘而死

生員李發榮之妻謝氏於同治三年九月初三日遇賊逼脅不從罵不絕口被刃而死

民婦趙慶香之妻蕭氏住車頭村年六十歲於咸豐十年十月十一日罵賊被害而死

從九陳元椿之妻蕭氏年五十七歲咸豐十年十月十一日逆入藤嶺村時三子俱隨夫守隘弱媳幼孫早令遠避氏身隻守家賊入屋搶劫不之禁賊見其老亦不顧問賊去登山望夫路逢逃男詢知夫死闖入賊羣痛罵以首觸賊被戕而死

謝古氏謝上石之妻咸豐六年髮逆捉去見其少女欲污之氏堅執不從被賊支解之時年十七

劉世通妻龔氏同治三年遇賊不屈死年三十歲

鍾志才妻盧氏 張文發妻謝氏

趙受珩妻陳氏 方三華妻張氏

方炳烈妻劉氏 陳永芳妻潘氏

鍾生學母彭氏 鍾挺訓妻張氏

陳和郎妻溫氏 趙振魁妻謝氏

鍾挺清妻彭氏 謝有名妻吳氏

謝文杰妻吳氏 劉辛發妻謝氏

劉茂六妻曾氏 鍾丙祿妻彭氏

黃慶楊妻鄭氏 謝信章妻梅氏

謝兆房妻曾氏 鍾宜瑞妻謝氏

鍾仕信妻謝氏 謝貴善妻曹氏

陳玉麟妻鍾氏 謝文輝妻鍾氏

鄭啟書妻趙氏 陳立攀妻彭氏

以上節烈俱咸豐同治年間死於賊難者

節孝

謝胡氏優庠生謝效莊之妻孝事孀姑相夫力學年二十五夫沒現年六十六歲子炳堃孫周楨俱監生

謝劉氏邑庠生謝世儀之妻孝事翁姑二十八守節撫二孤成立現年六十歲

陳凌氏陳慶福之妻二十四守節撫二孤成立長子俊烈監生現年七十九歲

謝胡氏監生謝懷義之妻二十二夫沒孝事翁姑撫孤子例貢生成成獨造鞏橋樂輸義舉鄉里咸欽孫州同登南胡氏歿年六十六歲

凌潘氏凌文質妻年二十七夫亡守節撫孤貞宜貞廷孫優廩生邦基俱成立沒年八十一

凌胡氏凌德音妻年二十四守節孝事姑嫜撫孤成立長子監生文瑚次子業儒文瀛現年六十一

凌李氏凌貞宜妻年二十五守節撫孤長子啟世遺腹子優廩生邦基俱成立現年六十六

凌潘氏議敘六品凌文瀾妻年二十八守節撫孤長子拔貢卓峯次子章需俱成立現年六十二

凌謝氏凌餘慶妻長子職員德科次子監生德揚孝事翁姑終身不衰外戚知縣謝雲龍旌匾五世衍慶現

年九十三

凌賴氏凌啟昌妻年二十五夫亡守節撫孤長子監生
文郁次子文英俱成立現年六十一歲

凌邱氏儒士凌德芳妻年二十四夫亡子天繼胞姪監
生青雲之子爲孫現年七十二歲

凌謝氏儒士凌德懷妻年十八夫亡繼胞兄庠生玉書
次子爲嗣教讀成名增生澄濤長孫郡廩生獻廷次
孫庠生獻勳現年六十歲

凌蕭氏凌運光妻年二十九夫亡守節撫孤成立長子
芳彪次子生香辛未年二子同入武庠奉

學憲李旌匾萱茂芹叢現年七十一

謝王氏監生謝名玉妻年二十八夫亡撫孤子從九議
敘五品萬鵬孫二長監生雲標次武生炳杰俱成立
八十二而終

王謝氏庠生王肇文妻年二十七守節撫孤延師課讀
有柳母風子三俱成立孫廷襄歲貢至今書香不替
大守旌額松節筠操沒年六十九教諭王崇暉爲之
立傳

王曹氏貢生王攀榮妻年二十四守節撫孤監生邦熙
成立孫五人曾三現年七十六

鄒周氏鄒德齊妻年二十七夫亡守節撫孤長子萬高
次子監生奮餘三子萬飛俱成立現年七十五

王朱氏王富崇妻年二十八守節撫孤長子例授翰林
待詔全猷次子例貢周謨三子監生全訓俱成立現
年六十八

王凌氏王連兆妻年二十七夫亡守節撫孤三子俱成
立現年六十八

謝藍氏監生謝萬豐妻年二十八夫亡撫孤二子長監
生東輝次庠生清標俱成立現年七十二

謝會氏謝泰昌妻二十夫亡撫孤子業儒占元六十四

歲而終

林凌氏林春富妻年二十九夫亡撫孤子守節四子俱
成立孫會衆多現年九十七

林王氏林鳳池妻年二十七夫亡守節撫孤四子俱成
立現六十歲

王潘氏王成德之妻年二十七夫亡撫孤三子長監生
廷楠次子業儒耀奎孫五守節三十四年今六十一
歲

劉謝氏劉祖祿妻年二十八歲夫亡撫孤二子長習耀
次監生起春孫接洪石養俱成立現年七十九

謝王氏監生謝傳蘭之妻幼失姑嫜孝事伯母年二十夫沒矢志守節立堂兄成成公之子家貞爲嗣例授縣丞孫曾繞膝現年六十有二

張何氏張振聲之妻年二十九守節孝事翁姑撫孤成立監生家元何氏沒年八十二歲

雷王氏監生雷廷標之妻年二十四守節子例貢生顯拔現年六十二歲

陳潘氏監生陳淨志之妻年二十八守節孝事孀姑撫孤成立子瑞芳六品銜瑞馨五品銜孫曾四世現年六十四

羅駱氏羅允珍妻年二十七夫亡守節撫孤成立子職員桂芬孫三人長納監成均四世一堂現年七十一曹湯氏職員曹國標妻年二十八夫亡守節子三人俱納監次子安揚翰林待詔保舉五品銜 賞戴藍翎孫六人長瑛亦納監縣令張廷珩旌匾栢節長春現年五十八

劉王氏童生劉繼宗妻年十七夫亡守節撫孤成立勤儉增置田產爲子榮昌納監現曾孫鵲起四十餘年邱賴氏邱倫發妻年二十七夫亡守節勤儉操持撫孤成立子監生祥星氏現年六十六

鍾謝氏鍾廷臣妻年二十六夫亡守節孝事翁姑撫孤成立子聲遠監生氏現年六十六

劉謝氏童生劉永晉妻年二十一夫亡守節撫孤成立邑增生琛現年六十一歲

王廖氏王顯謨妻年二十一夫亡守節子天繼親兄從九章誥次子監生欽明爲嗣成立現年六十歲

胡羅氏胡火發妻年二十三夫亡子光明例授縣丞

胡王氏胡木春妻年二十二守節子光泰例授縣丞

胡周氏職員胡名儒妻年二十八夫亡撫孤子建勳成立捐授州同氏現年花甲逾一

胡黃氏武生胡聯標妻年二十七夫亡撫三孤成立長

例貢生光清次國學生光達三國學生淮薑蒙邑侯黃贈栢節延齡匾額現年六十三

胡朱氏胡望麟妻年二十八夫亡家貧守節撫孤子洪

盛成立 欽賜登仕郎孫七長有長次軍功九品揚

威三監生俊傑好善仗義自造祠宇四俊康登仕郎

五軍功六品揚斌六七軍功九品揚綸揚奇曾孫森

立耄旬而歿

謝王氏監生謝名玉妻年二十八夫亡撫孤子從九議

敘五品萬鵬孫二長監生雲標次武生炳杰俱成立

年八十二而終

王曹氏貢生王攀榮妻年二十四守節撫孤監生邦熙成立孫五人曾孫三現年七十六

鄒周氏鄒德寶妻年二十七夫亡守節撫孤長子萬高次子監生奮餘三子萬飛俱成立現年七十五

王朱氏王富崇妻年二十八守節撫孤長子例授翰林待詔全猷次子例貢生周謨三子監生全訓俱成立現年六十八

凌藍氏凌兆魁妻年二十七夫亡守節撫孤成立長子端珍次子開珍三子文珍四子榮珍沒年七十七

胡王氏胡必星妻年二十八夫亡撫孤二子長子揚鴻次子議敘六品職銜現年八十一

凌謝氏凌泮香妻年十二寡居不出戶庭五十年來大門扃閉繼堂兄綬祺二子名永義爲嗣現年六十三胡陳氏胡佛佑妻年二十守節繼堂兄正魁子紹祖爲嗣成立現年六十一

胡劉氏胡光發妻年二十二夫亡守節繼族兄文瑞三子名鼎榮爲嗣現年六十歲

劉趙氏府經劉永疇妻年二十五夫亡守節三十年矢志撫孤瓊優廩生

湯劉氏湯維新妻年二十八夫亡撫孤成立承芹國學生甫冠而亡媳駱氏年二十三繼孫作霖亦納監年少純樸姑媳矢志守節鄉里咸欽劉氏現年七十四駱氏年五十三

陳潘氏監生陳淨志之妻年二十八孀居子幼幸事寡姑現年六十四男六品銜瑞芳五品銜瑞馨孫曾四世

趙劉氏童生趙任翔之妻年二十九守節撫孤成立現年六十歲

古曹氏從九古世棟之妻年十九守節撫兄成立現年八十二

劉趙氏劉坤四之妻年十九守節家貧立兄子爲後矢志撫之現年六十六

趙劉氏布政理問趙儻之妻年二十九守節事祖姑與姑俱謹撫孤成立課諸孫甚嚴長孫爲鴻列諸生好善樂施凡橋路茶亭棺木衣食丸藥數十年施濟不倦鄉里德之現年七十二

趙曾氏生員趙受紳妻年二十八守節卒年七十八

趙謝氏趙升義之妻年二十七守節撫孤成立現年六十八

潘劉氏貢生潘文陞妻年二十六守節現年七十一

潘彭氏監生潘啟優妻年二十八守節教子嚴慈咸豐

丁巳賊寇擾亂募勇守城不惜多費修橋砌路好善

樂施現年八十七

曹王氏諸生曹搏萬妻年二十歲守節

曹李氏監生曹安瀆妻年二十三守節撫孤生育俱殤

與孀媳劉氏立孫啟衍承祧現年七十一

盧潘氏盧美林妻年二十九守節事舅姑最謹卒年五

十三

潘劉氏潘日昇妻年二十二守節奉舅姑甚謹孀媳范

氏年二十八守節事姑亦以孝聞卒年皆六十

林劉氏林鳳統之妻年十八歲夫故遺一子景華甫週

歲親友有欲嫁氏者串婚主刼之氏入廁中遍身蒙

垢拒之曰氏夫宗支攸關遺孤無依爾等欲逼我嫁

乎以臭穢四面彈之乃止家貧嘗入山砍柴虎踞其

上不敢近氏平素吃齋誦觀音咒乃沐手合掌頂禮

持咒虎遂遁去子成立孫啟然四歲年五十九而終

林大栢之女名茂先父母幼許於廖子早殤甫長父母

俱亡茂先撫弟二人有勸其再笄者曰聞之禮壹與之齊終身不改我再笄諸弟誰爲提抱乎屢強之女卽潛往父墓深林處藏之後名其弟曰廖姑妹歿年五十一附葬父穴

鄭謝氏儒童鄭端仁妻年二十一守節撫孤事姑克盡孝道教子以文名顯性善敬佛持素誦經至老不怠年七十八終

鄭賴氏鄭登書妻年二十七守節二子幼穉能以母道兼父道教成二子長雲飄入大學次蘭飄邑諸生現年六十二

長甯縣仙釋志

鄭青山留車人從外氏教聞北郭雲蓋嶺迤邐峻絕往結茅其中地漫衍可墾苦無泉源青山以杖曳地泉大湧因闢田會禾吐華爲烈風所摧青山跌踣咒之禾復吐華成實舒兩翼如蒼蠅其種至今尙存庵旁有梅花開時爲羣鳥所啄青山豎指揮之鳥盡斃繼而自悔持淨水洒之鳥復飛起時近鄉炎厲爲畜物害牧者攜酒與牛往餵其地青山戒勿飲其人竊飲之是夕歸家以無病殞厥子懇救青山持茶滴其口卽甦由是禮拜者藉藉青山厭其囂棄去至安遠老虎巖巖虎穴也咸勸勿

往青山肩草團獨坐其中羣虎果至築拳叱之虎遁去
安遠人見其能伏虎也奉之者日益多乃復歸雲蓋祥
狂不羈謝絕往來忽無疾而逝逝十餘日有識者自汀
州歸於途次遇之見其肩草團去云往峨嵋山去不知
其爲逝也

牧原姓何南鳳其名粵東人母夢鳳投懷捉之傷其足故
南鳳生而卽跛少讀書能文領天啟己知鄉薦因琴瑟
不調賦詩於壁云怪將心緒亂如麻苦煞紅塵覓紫霞
北上無心同一德西來有意問三車從奈得遂維摩願
此後誰思阿婦家喜解身前冤業債會看坐我白蓮花

遂祝髮雲遊至邑之普濟山居焉能知人休咎時膜拜
祈求者接踵先是天童十二派出非尙棒喝卽宗圖像
牧原恐正燈息滅乃作偈曰是心是佛是佛是心從心
求佛卽是叛心謂佛說心卽是謗佛是一非一是二非
二可於此中作無量義可於無量義中作無無義諦出
諸知識皈依焉一日座上有僧舉怡山願文生逢中國
等語削去三十六字謂能截去打賒賬語牧舉心示之
僧因會拈花一笑之旨遂付以衣鉢其人卽寺僧振西
也一夕龕燈忽滅牧原曰道緣盡矣示偈云本無來安
有去去猶來來何異合生死總遊戲沐畢名衆曰心死

身生不二致神心爲身牽慾障昏人衆請當以金漆布
飾師身牧原曰此漏壳子耳爲僧者沾沾於此也滿堂
泥塑諸佛可能代若輩修行耶衆曰非此無以示靈異
乃監拂子示云人身本疣贅尸祝復何益正覺自方寸
無容拘形迹言訖跌坐而逝

元籌俗姓黃原籍章浦人明閣臣黃道周之族子也道周
募江西以圖恢復元籌實左右之旣而兵敗婺源道周
被執一軍盡沒元籌走贛依楊廷麟廷麟敗自傷國破
家亡明無再振勢乃削髮爲僧雲遊至邑拄杖於城東
之大悲閣圖書數卷一室蕭然善詩工書畫日事吟咏

咏畢輒焚之以爲常雖長吏紳士靡不心異其爲人然
無有知其爲黃氏者久之邑侯黃公龍飛過豫章有顯
人詢元籌者且以汝同宗告之黃公歸爲名食設饌獨
二人相對元籌以法戒辭黃公曰子其真釋子耶果爾
則當留心釋典胡爲日事苦吟而與人語忠孝耶元籌
潛然涕下猶未肯以實告公復挑以前事元籌益吁噓
長歎遂不復自隱外人未之知也及黃公去任事稍傳
聞有以是言相探者元籌佯不聞診知事不可掩乃雲
遊潮惠梅汀間卒於上杭之員通寺著有秋霞草若干

卷

邑人邱士藻曰道周忠毅學術冠冕一時元籌其親
炙之者耶傷國家多難相與奮志西江所到景從義
旅雲集功雖未成而大義昭伸矣及夫時勢旣去避
世梵剎名字出處了不令人知其亦雪菴補鍋之流
亞歟

高僧

四知吉安人或曰劉文端公同升族子也貌魁梧隆準大
耳崇禎末以選拔授邑令鼎革自髡爲僧居贛之光孝
寺爲胡總戎物色避之安遠鳳日山其子携重貲尋得
之促之歸不允乃潛置其貲於篋辭去四知由是復避
跡於長甯香山建竹林楊柳坪二庵躬耕自給遇窮乏
輒以篋中物周之案無經懺惟四子書及胡氏春秋夾
注蠅頭小字硃墨皆徧與人談忠孝節烈事娓娓不倦
或問佛法輒正色曰子臣弟友多少事不問問此何也
居二十餘年無知者後爲邑人范漢一所敬禮卒於縣

北茶庵

採吳之章高僧傳

通甯字若乾姓潘氏項山人通儒書善真草嘗遊宦山東
浙江祝髮師事天童長老密雲爲密雲晚年入室弟子
密雲示寂獨呼其名授以密印後歸長甯創建盤龍山
寺提唱宗風嶺南北皈依者甚衆其徒行祥字湛持繼
主講席亦能闡發宗旨示寂時謂其徒曰吾當畱肉身
於此汝曹慎無以聞當事其徒遵守之越三年忽有慾
息其徒者曰藉靈異以光耀山門亦所謂違而道者也
長此寂寂何爲其徒以爲然是夕肉身頓化

